

# Inissianik attartortitsisarneq pillugu Inatsisartut peqqussutaat pillugu Namminersorlutik Oqartussat nalunaarutaat

Matumuuna Inissianik attartortitsisarneq pillugu Inatsisartut peqqussutaat nr. 2, 12. maj 2005-imeersoq, allannguutit ukunani pineqartut ilanngullugit Inatsisartut peqqussutaat nr. 14, 20. november 2006-imeersoq, aamma Inatsisartut peqqussutaat nr. 9, 5. december 2008-meersoq, aamma Inatsisartut inatsisaat nr. 17, 8. juni 2017-imeersoq, aamma Inatsisartut inatsisaat nr. 29, 28. november 2019-imeersoq, aamma Inatsisartut inatsisaat nr. 23, 1. december 2021-mersooq, aamma Inatsisartut inatsisaat nr. 13, 21. novembari 2022-mersooq.

## Kapitali 1

### Atuuffissaat

**§ 1.** Peqqussutip atuuffigisaa tassaavoq illunik illunilu ineeqqanik inigisassanik attartortitsineq, attartukkanik attartortitseqqinnej ilanngullugu, tamatumani aningaasaanik allaanerusunik akiliuteqartarnersoq aamma inissiap ilaa inissiatuunngitsoq attartortinneqarnersoq apeqqutaatinnagu, taamaattorli tak. imm. 2.

*Imm. 2.* Peqqussut taamaallaat attartornermi pissutsinut atuuppoq, attartortoq inuttut namminiussuseqarpat.

**§ 1 a.** Namminersorlutik Oqartussat kommunillu inissiaataat attartortittakkat pillugit kapitali 3-7-imi aamma 9-11-mi aalajangersakkat pisariaqartunik naleqqussaavagineqarlutik aamma ukununnga atuutissapput:

1) Inissianik attartortittakkanik, Namminersorlutik Oqartussanit imaluunniit kommunimit attartorneqartunik, tamatumalu kingorna attartortussamut attartorteqqinnejqartunik attartortumut najugaqarfissatut attartortitsinissamut isumaqtigiissut.

2) Inissianik attartortittakkanik, inissiaatileqatigiiffinnit, Namminersorlutik Oqartussanit imaluunniit kommuninit aalajangiiffigineqarlutik sunniuteqarfingineqartartunit attartorneqartunik, tamatumalu kingorna attartortussamut attartorteqqinnejqartunik attartortumut najugaqarfissatut attartortitsinissamut isumaqtigiissut.

*Imm. 2.* Imm. 1 malillugu inissiat attartortittakkat najugaqatigiiffittut ataasisutut naatsorsuusioriaatsimi immikkoortutut nammineertutut attartortitsisumit ataatsimoortinneqarsinnaapput, takuuk kapitali 3-4.

*Imm. 3.* Naalakkersuisut najugaqartut oqartussaaqataanissaannut, attartornermut akilummik aalajangersaanissamut, attartornermut akilummik iluarsiinissamik aqtsinermillu, attartornermi

akiliisarnermut, attartukkap aserfallatsaaliorneqarneranut, iluarsaaneeqarneranut atorneqarneranullu, atuisinnaatitaanerup allamut tunniunneqarneranut, kiisalu inissianut attartortittakkanut, imm. 1-imut ilaatinneqartunut attartorunnaarsitsisarnermut atorunnaarsitsisarnermullu maleruagassanik aalajangersaasinnaapput. Tassunga ilanngullugu kapitali 3-7-imti aamma 9-11-mi aalajangersakkat imm. 1 malillugu inissianut attartortittakkanut aalajangigaasumik annertussusilimmik atuutinnginnissaat pillugu maleruagassanik Naalakkersuisut aalajangersaasinnaapput.

**§ 2. Attartornissaq isumaqtigiiusutigineqartassaaq immersugassaq Naalakkersuisunit akuerisaalluni kalaallisut qallunaatullu naqitaasoq atorlugu.**

*Imm. 2. Attartornermi isumaqtigiiusummi allataasumi aalajangersakkat peqqusummi taaneqartunit annertunerusumik attartortumut pisussafeqartitsiviusut imaluunniit annikinnerusumik attartortumut pisinnaatitaaffeqartitsiviusut atuutsinneqassappata, tamanna erseqqissaatigineqassaaq.*

*Imm. 3. Isumaqtigiiusuteqarnikkut imm. 1-mi aamma 2-mi aalajangersakkat attartortumut ajoqtaasussamik sanioqqunneqarsinnaangillat.*

*Imm. 4. Illumik imaluunniit illumi ineeqqamik najugaqarfissatut attartortinneqartumik pigisassatut imaluunniit attartugassatut tunniussinermi, takuuk § 1, pissarsisoq attartortumut pisinnaatitaaffinnik pisussaffinnillu atuuttunik, Inatsisartut peqqussutaannik matumannga aamma attartortitsinermut isumaqtigiiusummiit malinniffusunik tamaginnik tigusissaaq.*

**§ 3. Peqqussut attartornernut, immikkut inatsisiaasunit aqtaasunut atuutsinneqanngilaq, imaluunniit inissianut ukununnga atuutsinneqassanani:**

1) Namminersorlutik Oqartussat inissiaataannut attartortittakkanut Naalakkersuisunit ilaajunnaarsinneqarsimasunut.

2) kommunep inissiaataanut attartortittakkanut communalbestyrelsimit ilaajunnaarsinneqarsimasunut, taamaattorli tak. imm. 2.

3) Namminersorlutik Oqartussat kommunellu ilinniartut ilinniarnerannut atatillugu atugassiissapput, taamaattorli tak. imm. 3.

*Imm. 2. Inissianut imm. 1, nr. 2-mi pineqartunut Nunap Karsianit sananeqarnerminnut tapiiffigineqarsimasunut ilaajunnaarsitsinissamut Naalakkersuisut akuersissuteqanissaat piumasaqaataavoq.*

**§ 4. Peqqussut utaqqiisaagallartumik inigitinneqartunut atuutinngilaq, taamaattorli tak. § 20, imm. 1, nr. 3.**

*Imm. 2. Peqqussut Namminersorlutik Oqartussat kommunelluunniit inissiaataanni utaqqiisaasumik sulisunut inigitinneqarallartunut tunngassuteqartunut atuutinngilaq, tamatumani apeqquatainngagu inissiinermut akiliuteqartitsisoqartarnersoq akiliuteqartitsisoqartannginnersorluunniit, taamaattorli tak. imm. 3 aamma 4.*

*Imm. 3. Namminersorlutik Oqartussani kommuneniluunniit sulisunik inissianut utaqqiisaasumik sulisunut inigitinneqarallartunut inissinneqarallartoq sullissinermut akilummik akiliuteqartinneqarsinnaavoq, tak. imm. 2.*

*Imm. 4. Utaqqiisaagallartumik inigitinneqartartut aqunneqarnerat ingerlanneqarnerallu pillugit*

Naalakkersuisut maleruagassiorsinnaapput, matumani akiliutigineqartartussat annertussusissaat kiisalu inissiigallarnermi aningaaasartuutasut matussusiiivigineqarnissaat ilanngullugit.

## Kapitali 2

*Innersuussissarnermi maleruagassat*

**§ 5.** Illutini Namminersorlutik Oqartussanit kommunenilluunniit pigineqartuni inissiat inigineqanngitsut inissarsiortunut imatut tulleriinnilersuilluni innersuunneqartassapput, inissiat:

- 1) iluarsaassinerntut isaterinernullu atatillugu Namminersorlutik Oqartussat kommunellu inisseeqqinnissaannut atugassat, tak. § 68.
- 2) attartortunut iniminnik piginneqatigiilluni inissiatut pigisatulluunniit tiguserusunngitsunut, tak. § 24, imm. 1 aamma § 24 a, imm. 1.
- 3) initaartinneqarnissamik siusinnerusukkut qularnaveeqqusiivigineqarsimasunut eqquutsitsiniarluni innersuunneqartussat, tak. § 58, imm. 4.
- 4) aapparisap toqukkut qimagaasup atorfimmum aalajangersimasumut inigitinneqartumik qimatsinissaanut atatillugu innersuussutigineqartussat, tak. § 63, imm. 2.
- 5) aapparisap toqukkut qimagaasup inimik innarluutilimmum immikkut aaqqissugaasumik tunniussaasimasumillu qimatsinissaanut atatillugu innersuussutigineqartussat, tak. § 63, imm. 3.
- 6) siunertanut aalajangersimasunut iniminnigaasut, tak. imm. 3.
- 7) sullissivinni sulisunut inissamut normumik atorneqanngitsumik pigisaqartunut atugassat, tak. § 9,
- 8) kommunet isumaginninnermi inissaqartitsinissaannut atugassat, tak. § 22,
- 9) nammineq kissaatigalugu nuunniartunut atugassat, tassunga ilanngullugu inigisanik paarlaannerit, tak. § 59,
- 10) utaqquisut allattorsimaffianni nalinginnaasumi allassimallutik inissarsiortunut atugassat, tak. § 6.

*Imm. 2. Imm. 1, nr. 1 – 5 naapertorlugu inissiat innersuunneqartut naleqquttumik angissuseqartinniarneqassapput pitsaassuseqassallutillu. Ineqarnermut aningaaasartuutit tamarmiusut sapinngisamik inissiami qimanneqartumi aningaaasartuutasarsimasunit amerlanerunissaat pinngitsoorniarneqassaaq.*

*Imm. 3. Namminersorlutik Oqartussat kommuneluunniit siunertanut aalajangersimasunut atugassanik inissianik iniminniisinjaapput, tassunga ilanngullugit inissiat atorfinnut aalajangersimasunut atugassiissutigineqartussat.*

*Imm. 4. Naalakkersuisut kommunet ataasiakkaat isumaqatiginiareerlugit inissiat imm. 1, nr. 7-10-mi taagorneqartut qanoq agguarneqarnissaat pillugu kommunenut tamanut immikkut aalajangersaasinnaapput.*

**§ 6.** Utaqqisut allattorsimaffianni nalinginnaasumi inissarsiortutik allatsissimasut inissiamut immikkut kissaateqarsinjaapput, tassani pineqarlutik inissiap akia, inissisimaffissaa, taassuma ataani init quleriit arlaannut inissikkusunneq kiisalu angissusissaq, inissiap angissusia inoqutigiinni inuit amerlassusiinut naapertuuppat.

*Imm. 2. Utaqqisut allattorsimaffianni nalinginnaasumi, allamut nuunnissamik kissaateqartut allattorsimaffianni kiisalu paarlaateqateqarniarlutik utaqquisut allattorsimaffianni inissarsiortutik allatsissimasut inissiamik innersuussinermi inoqutigiinni inuit amerlassusii ataatsimik sinnerlugit*

inalimmik neqerooruteqartoqarsinnaavoq, tak. § 19.

*Imm. 3. Najukkami inissianik attartortitsiniarneq ajornakusoortinneqartoq paasinarsippat, inissiamik inoqutigiinni inuit amerlassusii ataatsimik marlunnilluunniit sinnerlugit initalimmik neqerooruteqartoqarsinnaavoq.*

**§ 7.** Inissamik innersuussinermi attartortitsisup attartortussaq isertitai pigisaalu pillugit paassisutissanik piumasaqarfingisinnaavaa, attartortoq ineqarnermut aningaasartuutunik ingerlaavartunik kiisalu qulaarnaveeqqusiissutissamik akiliisinnaanersoq pillugu naliliiniarnermut atugassanik.

*Imm. 2. Inissarsiortoq utaqqisut allattorsimaffiannut ilaatinneqarnerminut akiliuteqartinneqartassaaq, aammalu ukiut tamaasa allatsissimanerup ingerlaqqiinnarnissaanik uppernarsaanermini akiliuteqartinneqartassalluni.*

*Imm. 3. Naalakkersuisut inissianik innersuussisarneq attartortitsisarnerlu, akiligassat akilersinniarneqartarnissaat akitsuutilu annertussusissaat, kiisalu utaqqisut allattorsimaffiinik aqutsinissaq, taassumalu ataani utaqqisut allattorsimaffisa inissianut sunut ataneri suussusiilu pillugit maleruagassiorsinnaapput, tak. § 5, imm. 1.*

**§ 8.** § 5, imm. 4-mi allassimasut apeqquatainnagit sulisunut inissiat inigineeruttut 20 %-ii sulisunut, nammineq kissaatigisamik nuunnissamut utaqqisut allattorsimaffiannut allatsissimasunut innersuunneqartassapput. Sulisut inissiamut immikkut kissateqarsinnaapput, tassani pineqarlutik inissiap akia, inissismaffissa, taassuma ataani init qleriit arlaannut inissikkusunneq kiisalu angissusissaq, inissiap angissusia inoqutigiinni inuit amerlassusiinut naapertuuppat.

*Imm. 2. Nammineq kissaatigisamik nuunnissamut utaqqisut allattorsimaffiani sulisunik allatsissimasoqanngippat, sulisunut inissiat inueruttut § 5-imi taaneqartutut innersuunneqarsinnaapput.*

**§ 9.** Naalakkersuisut inissianut normunik aalajangersimasunik amerlassusilinnik, sulisunut atorfegarnermi inissiamik innersuussiffingeqarsinnaatitaasunut, tak. § 5, imm. 1, nr. 7, Namminersorlutik Oqartussat inissiaataanniit tunniussassanik agguassisinnaapput. Inissianut normunut tunniunneqarsimasunut sulisitsisoq, inissianut normunik pigisaqartoq ukiumoortumik akiliuteqartinneqarsinnaavoq.

*Imm. 2. Aammattaaq Namminersorlutik Oqartussani sulisunut inissiat aqunneqarnerinut akiliuteqartitsisoqarsinnaavoq, aqutsinermi aningaasartuutiviusunut matusissutissanik.*

*Imm. 3. Naalakkersuisut Namminersorlutik Oqartussani sulisunut inissiat aqunneqarneri ingerlanneqarnerilu pillugit maleruagassiorsinnaapput, matumanil ilanngullugit ukiumoortumik sullissinermut akitsuuisiissutaasartut kiisalu allaffissornikkut aqutsinermut akitsuuisiissutaasartussap angissusissaasa aalajangersaavagineqartarnissaat.*

**§ 10.** Naalakkersuisut inissianut normunik aalajangersimasunik amerlassusilinnik, sulisunut atorfegarnermi inissiamik innersuussiffingeqarsinnaatitaasunut, tak. § 5, imm. 1, nr. 7, kommunalbestyrelsemut tunniussisinnaapput.

*Imm. 2. Kommunalbestyrelsip kommunemi taassumaluunniit sullissiviini atorfillit, inissiaq kommunep inissiaataannut attartortittakkanut ilaalluni sulisunut inissianut attuumassuteqarpas, inoqutigiinni inuit amerlassusaat inimik ataatsimik sinnerlugit tunineqassanersut aalajangersinnaavaa.*

*Imm.* 3. Kommune sulisunut inissianik agguassinermi aqtsineq tulleriaarinermilu tunngavissat pillugit sukumiisunik aalajangersaasinnaavoq. Maleruagassat taamaattut Naalakkersuisunit akuerineqassapput.

-

**§ 11.** Sulisunut naalagaaffiup sullissiviini inissiamut innersuunneqarsinnaatitaallutik atorfeqartunut inissianik innersuussesarneq pillugu danskit naalagaaffiannut Naalakkersuisut Rigsombudi aqqutigalugu isumaqatigiissuteqarsinnaapput.

*Imm.* 2. Inissiat imm. 1-imi taaneqartut inissiap piniarneqarneraniit kingusinnerpaamik qaammatit pingasut qaangiunnerini innersuunneqartarnissaat anguniarneqartassaaq.

*Imm.* 3. Sullissivinni imm. 1-imi taaneqartuni sulisunut inissianik innersuussisarnissamut pisussaaffik eqortinniarlugu Namminersorlutik Oqartussat inissianik arlalinnik inniminniisarsinnaapput.

*Imm.* 4. Sullissivinni imm. 1-imi taaneqartuni pisortatut sulisunut pisortanut inissianik innersuussisoqarsinnaavoq, tamanna pillugu Naalakkersuisunut aalajangersimasumik isumaqatigiissuteqarnikkut.

**§ 12.** Inissiat Inatsisartuni sullissivinnilu taakkununnga attuumassuteqartuni sulisunut inissamik innersuunneqarsinnaatitaallutik atorfinitasimasunut inissiat, kiisalu inissiat allat Inatsisartunut atorneqartussat innersuunneqartassapput, Naalakkersuisut Inatsisartullu isumaqatigiissuteqarnerat naapertorlugu.

*Imm.* 2. Sullissivinni imm. 1-imi taaneqartuni sulisunut inissianik innersuussisarnissamut pisussaaffik eqortinniarlugu, Namminersorlutik Oqartussat inissianik arlaqartunik immikkoortitassanik inniminniisarsinnaapput.

*Imm.* 3. Sullissivinni imm. 1-imi taaneqartuni pisortatut sulisunut pisortanut inissianik innersuussisoqarsinnaavoq, tamanna pillugu Naalakkersuisunik aalajangersimasumik isumaqatigiissuteqarneq naapertorlugu.

*Imm.* 4. Inatsisartuni sullissivinnilu taakkununnga attuumassuteqartuni sulisunut atorfeqarnermi inissamik innersuussiffingeqarsinnaatitaasunut, inissiat §§ 16-18-imi maleruagassat malillugit innersuunneqassapput.

**§ 13.** Namminersorlutik Oqartussat inissiaataat, sulisunut atorfeqarnermi inissiamik innersuussiffingeqarsinnaatitaasunut innersuunneqartartussat sisamanut agguagaapput tulleriaarinelerlu una malillugu innersuunneqartassallutik:

- 1) Naalakkersuisoqarfinni ataasiakkaani naalakkersuisunut pisortanullu inissiat, tak. § 14,
- 2) Namminersorlutik Oqartussat qitiusumik allaffeqarfianni immikkoortortani pisortanut assigisaannullu, akissaateqarfik 37 tassanngaanniilluunniit qaffasinnerusoq naapertorlugu akissarsiaqartinneqartunut inissiat, tak. § 15,
- 3) Namminersorlutik Oqartussat qitiusumik allaffeqarfianni allaffinni pisortanut, akissaateqarfik 36 tassanngaanniilluunniit qaffasinnerusoq naapertorlugu akissarsiaqartinneqartunut inissiat, tak. § 16,
- 4) Namminersorlutik Oqartussat qitiusumik allaffeqarfianni, sullissivinni suliffeqarfinnilu tassunga atasuni kiisalu sullissivinni, suliffeqarfinni aammalu aktiaateqarluni ingerlatseqatigiiffinni Namminersorlutik Oqartussanit pigineqartuni sulisunut allanut atorfeqarnermi inissiamik innersuussiffingeqarnissamik piginnaatitaaffeqartunut inissiat, tak. § 17.

*Imm.* 2. Naalakkersuisut inunnut §§ 16-imi 17-imilu taaneqartunut inissianik innersuussisarneq pillugu maleruagassiorsinnaapput.

**§ 14.** Naalakkersuisunut naalakkersuisoqarfinni pisortanullu inissianik innersuussisarnissamut Namminersorlutik Oqartussat inissianik, Naalakkersuisunut naalakkersuisoqarfimmi pisortanullu inissiatut taagorneqartunik arlaqartunik immikkoortitassanik inniminniissapput.

*Imm.* 2. Naalakkersuisunut pisortanullu inissiat, tak. imm. 1, pingarnerutillugu tassaasassapput ilaqtariinnut ataatsinut illut imaluunniit illut affarleriit.

*Imm.* 3. Imm. 1-imi taaneqartunut inissianik innersuussinermi inissianut ataasiakkaanut inoqutigiinni inuit qanoq amerlatiginissaat piumasaqaataanngilaq.

*Imm.* 4. Inissiat imm. 1-imi taaneqartut najugaqatigiiiffimmut nammineq ingerlasumut, ingerlatsinermut tapiiffigineqarsinnaasumut imaluunniit ingerlatsinermi immikkut ittumik aningaasartuutinut matusissutissanik tapiiffigineqarsinnaasumut inissinneqassapput.

**§ 15.** Namminersorlutik Oqartussat qitiusumik allaffeqarfianni immikkoortortani pisortanut, akissaateqarfik 37 tassanngaanniilluunniit qaffasinnerusoq naapertorlugu akissarsiaqartinneqartunut inissianik innersuussinissamut Namminersorlutik Oqartussat inissianik, pisortanut inissianik taaneqartartunik arlalinnik inniminniissapput.

*Imm.* 2. Pisortanut inissianik innersuussinermi inissiat inoqutigiinni inuit amerlassusaat, § 19 naapertorlugu naatsorsorneqartut ininik marlunnik sinnerlugit innersuussisoqarsinnaavoq.

**§ 16.** Namminersorlutik Oqartussat qitiusumik allaffeqarfianni allaffinni pisortanut, akissaateqarfik 36 tassanngaanniilluunniit qaffasinnerusoq naapertorlugu akissarsiaqartinneqartunut inissiat § 17-imi taaneqartunit sallutinnejarlutik innersuunneqartassapput.

**§ 17.** Inunnut §§ 11-16-imi taaneqartunut inissianik innersuussinissamut pisariaqartinneqartut naammassineqarpata, inissiat Namminersorlutik Oqartussat qitiusumik allaffeqarfianni, sulissivinni suliffeqarfinnilu tassunga atasuni kiisalu sulissivinni, suliffeqarfinni aammalu aktiaateqarluni ingerlatseqatigiiiffinni Namminersorlutik Oqartussanit pigineqartuni sulisunut allanut atorfegarnermi inissiamik innersuussiffiqeqarsinnaatitaasunut innersuunneqarsinnaapput.

**§ 18.** Inunnut §§ 12, 16 aamma 17-imi taaneqartunut inissianik piniarnermi innersuussinermilu inissiat imatut innersuussassanngorlugit piniartoqarsinnaavoq:

- 1) Kisimiittut inissiamik marlunnik initialimmik pissarsisinnaatitaapput.
- 2) Aappariit qitoraqanngitsut, kisimiittut ataatsimik qitorallit aamma aappariit ataatsimik qitorallit inissiamik pingasunik initialimmik pissarsisinnaatitaapput.
- 3) Kisimiittut marlunnik qitorallit aamma aappariit marlunnik qitorallit inissiamik sisamanik initialimmik pissarsisinnaatitaapput.
- 4) Kisimiittut pingasunik amerlanerusunilluunniit qitorallit aamma aappariit pingasunik amerlanerusunilluunniit qitorallit inissiamik tallimanik initialimmik pissarsisinnaatitaapput.

*Imm.* 2. Najukkami inissianik attartortitsiniarneq ajornakusoortinneqartoq paasinarpas, inissiamik inoqutigiinni inuit amerlassusii ataatsimik marlunnilluunniit sinnerlugit initialimmik qaqtiguinnaq

immikkut ittumik tunniussisoqarsinnaavoq.

*Imm. 3. Sulisunut, tak. § 15, annerpaamik inissiat tallimanik initallit piniarneqarsinnaapput, inoqutigiinni inuit amerlassusaat § 19-imi maleruagassat malillugit naatsorsorneqarnerini sulisoq inissiamik anginerusumik ineqarnissamut pisinnaatitaanersoq apeqqutaatinnagu.*

*Imm. 4. Sulisitsisoq inoqutigiinni inuit amerlassusaat, taamatullu inissiamik inniminniinermut piffissaq inissiallu innersuunneqarnissaanut piffissaq pillugit ilisimatitsissuteqassaaq. Piffissami innersuussiffiusumi inoqutigiinni inuit amerlassusaat inissiap, sulisumut innersuunneqartup angissusissaanut aalajangiisuussaaq.*

*Imm. 5. Sulisitsisoq akisussaavoq, inoqutigiinni inuit amerlassusaat ingerlaavartumik eqqortumik nalunaarutigineqartuarnissaanut.*

**§ 19.** Inoqutigiinni inuit amerlassusaannik kisitsinermi angajoqqaat kisimiittut aappariillu inuttut marluttut naatsorsorneqartarput. Qitornat angerlarsimaffimmi najugaqartut, inissarsiortup taassumaluunniit aappaata inooqataataluunniit pilersuisussaatitaaffigisai tamarmik immikkut meeqqatut ataatsitut naatsorsorneqassapput. Qitornat 18-it sinnerlugit ukiullit ukiuni kingullerni marlunni inissarsiortumik ineqateqarsimagunik inoqutigiinnut ilaasutut naatsorsuutigineqassapput. Naartunerit naatsorsuinermi ilanngunneqarneq ajorput.

**§ 20.** Sulisunut, tak. §§ 11, 12, 15, 16 aamma 17, inissiamik innersuunneqarsinnaatitaallutik atorfinitaasimasunut atuutissapput:

- 1) Atorfeqartoq pisussaavoq sulisunut inissiaq innersuuneqartoq tigussallugu.
- 2) Sulisoq sulisunut inissiamik innersuunneqartumik tigusiumanngitsoq inissiamik allamik innersuunneqarnissamik pisinnaatitaaffeqanngilaq.
- 3) Sulisoq sulisunut inissiamik innersuunneqartumik tigusiumanngitsoq aammalu utaqqiisaagallartumik inissinneqarsimasoq, utaqqiisaagallartumik ineqartitaanerminut ajunngitsorsiassaqartinneqarunnaassaaq imaluunniit sulisitsisup akiligaanik inissinneqarallarnini ingerlateqqissinnaajunnaassallugu.
- 4) Sulisoq sumiginnaaneq pissutigalugu sulisunut inissiamit anisitaasoq inissiamut allamut innersuunneqarnissamut pisinnaatitaaffeqanngilaq.

*Imm. 2. Naalakkersuisut sulorisap soqutigisaqaqtigiiiffik isumaqatigiinniarsinnaasoq ilaasortaaffigisaa isumaqatigiissuteqarfigisinnaavaa inissianik immikkut ittunik innersuussisarneq pillugu.*

-

**§ 20 a.** § 20-mi, imm. 1-imi allassimasut apeqqutaatinnagit, inissiat ukiut kingulliit tallimat iluini oqoqarsimasutut attartortitsisup nalunaarsuiffianni inissiaq allassimappat, atorfilik sulisunut inissiamik innersuunneqartumik itigartitsisinnaavoq, takuuk § 32 a, taamaaliornerminilu sulisunut inissiamik innersuunneqarsinnaatitaanini, inissinneqarallarnermi ajunngitsorsiassaqarsinnaatitaanini imaluunniit sulisitsisup akiligaanik inissinneqarallarnerminik ingerlatsiinnarsinnaatitaanini annaassanngila.

**§ 21.** Attartortoq sulisunut inissiami najugaqartoq aammalu inissiamik attartortittakkamik nalinginnaasumik neqeroorfingineqartoq, sulisunut inissiaq najukkani inissianik nalinginnaasumik attartortitsisarnermi piumasaqaatit malillugit tigusinnaavaa, taamaattorli tak. imm. 4.

*Imm. 2. Attartortoq ukiuni kingullerni tallimani sulisunut inissiami najugaqarsimasoq, sulisunut inissiap najukkani inissiatut nalinginnaasumik attartortittakkatut tigunissaanut pisinnaatitaavoq, taamaattoq*

takuuk imm. 4.

*Imm. 3. Attartortoq soraarninngunnginnermini ukiuni pingasuni kingullerni sulisunut inissiami najugaqarsimasoq pisinnaatitaavoq sulisunut inissiaq najukkani inissiatut nalinginnaasumik attartortittakkatut tigussallugu, taamaattorli tak. 4.*

*Imm. 4. Imm. 1-3 naapertorlugit pisinnaatitaaffik atutissanngilaq:*

- 1) Inissianut Naalakkersuisunut naalakkersuisoqarfinni pisortanullu inniminnerneqarsimasunut, tak. § 14.
- 2) Pisortanut inissianut, Namminersorlutik Oqartussat qitiusumik allaffeqarfiani immikkoortortani pisortanut inniminnerneqarsimasunut, tak. § 15.
- 3) Inissianut siunertanut aalajangersimasunut imaluunniit atorfinnut aalajangersimasunut inniminnerneqarsimasunut, tak. § 5, imm. 3.

**§ 22.** Kommunalbestyrelsep inunnik isumaginninnermik tunngaveqartumik ineqartitsinermut siunertanut innersuussisinnaatitaanini atorpagu, kommunep piffissap inissiap kommunemit atorneqarsinnaalerfia aallarnerfigalugu attartortitsilernissarlu tikillugu ineqarnermut akiliutit inissiamullu atatillugu aningaasartuutit allat kommunep akilertassavai. Tamatuma peqatigisaanik saniatigut kommunep qularnaveeqquasiissutissaq tamakkerlugu akilissavaa.

*Imm. 2. Kommunalbestyrelse annasaqaratarsinnaanermut qularnaveeqquasiissaaq, tak. § 23, attartortup inissiamut aningaasartuutinut ingerlaavartunut akiliisinnaanera attartortup attartortitsisumut uppernarsarsinnaanngippagu, tak. § 7.*

*Imm. 3. Attartortitsisup kommune inunnik isumaginninnermik tunngaveqartumik ineqartitsinissamik siunertaqarluni inissiiniarnerani itigartissinnaavaa, attartortoq siornatigut attartortitsisumut attartukkaminut akilinngitsuukkaminik ineqarnermut akiligassaqarpal imaluunniit aklersimanngisanik taarseeqqusissutnik akiligassaqarpal, taamaattorli tak. imm. 4.*

*Imm. 4. Attartortitsisup akerliunera atutissanngilaq, attartortup isertinnginnerani ineqarnermut akiligassat akilinngitsuukkak taarseeqqusissutinillu akiligassat kommunep aklersimappagit.*

**§ 23.** Annaasaqaratarsinnaanermut qularnaveeqquasiissutit attartortup ineqarnermut aningaasartuutinullu allanut inissiamut attuumassuteqartunut, taakkununnga ilangullugit iluarsaassinermut aningaasartuutinut, akiliuteqanngitsoorneratigut attartortitsisup aningaasatigut annaasaqaatigisinnaasaanut sillimmatitut akilerneqassapput.

*Imm. 2. Annaasaqaratarsinnaanermut qularnaveeqquasiissutit qaammatini aqqaneq-marlunni ineqarnermut akiliutit annertoqatigissavaat, taamaattorli annerpaamik 60.000 kr.-iussallutik.*

*Imm. 3. Annaasaqaratarsinnaanermut qularnaveeqquasiissutit inissiap attartortumut atugassiissutineqarneraniit qaammatit aqqaneq-marluk qaangiunnerini ingerlaannartumik atorunnaassapput. Qaammatit aqqaneq-marluk iluanni attartortup sumiginnaanerata kingunerisaanik attartortitsisup attartorneq taamaatitsissavaa, kiisalu allakkatigut kommunemut nalunaarutigissallugu attartortitsisup annaasaqaratarsinnaanermut qularnaveeqquasiissutit tigusussanngorai.*

*Imm. 4. Attartortitsisup annaasat tamakkiisut inaarutaasumik naatsorsoreerpagit, attartortitsisup ergerluni annaasat annertussusaat kommunemut nalunaarutigissavai, taannalu tunngavigalugu kommunep qularnaveeqquasiissut akilissavaa.*

**§ 24.** Namminersorlutik Oqartussat imaluunniit kommunip inissiaataasa attartortittakkat ilaanni attartortut piginneqatigiilluni inissiaatillit peqatigiiffiannik pilersitsisimappata, aammalu inissianik attartukkaminik piginneqatigiilluni inissiatut tigusinissaminnik Namminersorlutik Oqartussanut imaluunniit kommunimut qinnuteqarsimappata, attartortitsup §§ 5-imi aamma 65-imi aalajangersakkat sanioqqussinnaavaat. Piffissamit qinnuteqarfiusumit Namminersorlutik Oqartussat imaluunniit kommunip piginneqatigiilluni inissiaatillit peqatigiiffiat inummik, piginneqatigiilluni inissiaatillit peqatigiiffiata utaqqisunut allattuiffiani allatsisimasumik inissiamut inueruttumut innersuussinissamut piginnaatissinnaavaa.

*Imm. 2.* Namminersorlutik Oqartussat imaluunniit kommunip attartortoq, tak. imm. 1, inissiamik najukkaminik piginneqatigiilluni inissiatut tigusinissamik kissaateqanngitsq illoqarfimmi najukkamini inissiamik najugaata taamaaqataanik neqeroorfigissavaa. Inissiaq angissutsimigut neqeroorutip saqqummiunnerani inoqtigiiinni inuit amerlassusaannut naapertutissaaq, tak. § 6, imm. 2 aamma 3.

*Imm. 3.* Imm. 2 naapertorlugu inissiamut allamut innersuunneqarnissamut pisinnaatitaaffik taamaallaat atuutissaaq attartortup attartornermut isumaqatigiissut malissimappagu. Pissutsink pingaaruteqangaangitsunik imaluunniit attartortumit iluarsineqareersimasunik attartortitsisoq pissutissarsiorsinnaatitaanngilaq.

*Imm. 4.* Attartortup imm. 2 naapertorlugu neqeroorut allanguiniarluni sulinermut atatillugu akuerissappagu, attartortitsup attartortoq nuuttussanngortoq nuunnermut atatillugu taarsiiffigissavaa, taakkulu tunngaviusumik aningaasartai 1.200 kr.-inik, kiisalu inimut najagaqarfiusumut ataatsimut 1.000 kr.-inik amerlassuseqartinneqassapput. Taarsiissutit aningaasartaat inaarutaasumik allanguinermet atatillugu aningaasartuutinut tamakkiisunut ilanngunneqassapput. Nuunneq kapitali 12-imi maleruagassat naapertorlugit ingerlanneqassaaq.

*Imm. 5.* Attartortup imm. 2 naapertorlugu neqeroorut akuerinngippagu attartorneq ingerlaannassaaq. Ukiuumoortumik attartornermut akiliutip aalajangersarneqarnerani allaffisornermut akiliut 4.200 kr.-inik, illuttip tunniunneqarnerani aningaasaaliissutinit iluanaarutissat 1,5%-inik, kiisalu kvadratmeterimut ataatsimut ingerlatsinermut, aserfallatsaaluiinermut illuartitsinernullu akiliutit 405 kr.-inik annertussusilerneqassapput. Attartornermut akiliutip annertussusissaa ukiumi pineqartumi lnatsisartut aningaasanut inatsisaanni oqaasertaliussinikkut allangortinnejqarsinnaavoq.

*Imm. 6.* Attartorneq imm. 5 naapertorlugu ingerlatiinnarneqassappat, attartortup Namminersorlutik Oqartussanut imaluunniit kommunimut pisinnaatitaaffi atuutsinnejqarsinnaasut taamaallaat tassaassapput, Namminersorlutik Oqartussat imaluunniit kommunip piginneqataasutut piginneqatigiilluni inissiaatillit peqatigiiffiannut pisinnaatitaaffigisai.

*Imm. 7.* Attartortup inissiaq attartukkani piffissap qanorluunniit ilinerani piginneqatigiilluni inissiatut tigusinnaavaa.

-

**§ 24 a.** Namminersorlutik Oqartussat imaluunniit kommunit illuutaanni attartortittakkani annerpaamik 16-inik inissiartaqartuni attartortut affaat sinnerlugit inissiamik piginnittut peqatigiiffiannik pilersitsisimappata, aammalu inissianik attartortittakkanik inissiatut nammineq pigisatut tigusinissamik allakkatigut Namminersorlutik Oqartussanut imaluunniit kommunimut qinnuteqaaateqarsimappata, attartortitsup §§ 5-imi aamma 65-imi aalajangersakkat sanioqqussinnaavai.

*Imm. 2.* § 24, imm. 2-7 taamatuttaaq inissianik attartortittakkanik inissiatut nammineq pigisatut allangortinnejqarnerinut atatillugu atuutissaaq, tak. imm. 1

*Imm. 3. Attartortup pissutsit imm. 1-im i taaneqartut saniatigut allanik peqquteqarluni inissiatut attartukkami inissiatut nammineq pigisatut tigunissaanik kissaateqarpat, illuummi attartortut allat piumasaqaatit atuutereersut tunngavigalugit attartortutut inisisimaannassapput.*

### **Kapitali 3**

#### *Najugaqartut oqartussaaqataanerat*

**§ 25.** Namminersorlutik Oqartussat kommunellu ilaqtariinnut arlalinnut illuutaat, tassaasut illut qulieriinnik initallit, illut sanileriit illullu uiguleriit ikinnerpaamik pingasunik atasunik inissiartallit, najugaqatigiiffinnut aningaasaqarnikkut imminnut ingerlattunut agguarneqarsinnaapput.

*Imm. 2. Najugaqatigiiffinni ataasiakkaani attartortut najugaqatigiiffiup § 26-mi aamma § 28, imm. 4-mi maleruagassat malillugit ingerlanneqarneranut sunniuteqaqataanissamut pisinnaatitaapput, najugaqatigiiffimmi attartortut najugaqatigiiffimmi ataatsimiitsinermi najugaqatigiiffimmi siulersuisusanik sunniuteqaqataasussanik qinersisimappata.*

*Imm. 3. Naalakkersuisut Namminersorlutik Oqartussat kommunellu ilaqtariinnut arlalinnut illuutaasa najugaqatigiiffinnut agguarneqarnissaat, najugaqatigiiffiinni siulersuisunut qinersisarneq najugaqatigiiffinnilu siulersuisut sulinerat, matumani ilanngullugit najugaqatigiiffinni siulersuisut najugaqartunut aningaasaliissutinik atuinissaannut maleruagassat pillugit aalajangersaasinnaapput.*

**§ 26.** Najugaqatigiiffinni tamaginni attartortitsisoq ingerlatsinermut missingersuusiussaaq, tak. § 28, imm. 2 aamma imm. 3, taannalu attartortitsisumit inaarutaasumik akuerineqannginnermini najugaqatigiiffinni siulersuisunut oqaaseqarfisassanngorlugu saqqummiunneqassaaq.

*Imm. 2. Najugaqatigiiffimmi siulersuisut ingerlatsinermut missingersuutini killiliussat iluanni makkununnga tunngasunik siunnersuuteqarsinnaapput:*

- 1) aserfallatsaaliugassat nutartigassallu suut attartortitsisup najugaqatigiiffimmi suliarisariaqarnerai,
- 2) najugaqatigiiffimmi init ataatsimoorussat ingerlanneqarnerat atorneqarnerallu, aamma
- 3) najugaqatigiiffimmi sunngiffimmi sammisassanik assigisaannillu pilersitsineq.

**§ 27.** Inissiaqarfinni namminersortunit pigisani imaluunniit illuutini namminersortunit pigisani, ikinnerpaamik najugaqarfiusunik arfinilinnik inissiartaqartuni, piginnittumillu ataatsimut pigineqartuni, aammaluu ataatsimik amerlanerusunilluunniit ataatsimut atortulergasaasuni, soorlu kiassarneq, errorsisarfeqarneq, nalliuottorsiortarfeqarneq imaluunniit najugaqartut illuat, attartorlutik najugaqartut sinniisissaannik toqqaasinnaapput, apeqqutit illup ingerlanneqarneranut pingaarutillit tamaasa pillugit attartortitsisumut oqaloqatiginissinnaatitaasussamik.

*Imm. 2. Naalakkersuisut najugaqartut sinniisissaannik qinersisarneq najugaqartullu sinniisaasa sulinerat, taassuma ataani taakku illuutini attartortittakkani namminersortuni pigisani sunniuteqaqataasinnaanerat pillugu maleruagassiorsinnaapput.*

### **Kapitali 4**

#### *Ineqarnermut akiliutit angissusilerneqartarnerat, ineqarnermut akiliutit iluarsiivigineqartarnerat allaaffissornikkullu aqutsineq*

*Namminersornerullutik Oqartussat kommunellu inissaataat attartortittakkat*

**§ 28.** Namminersorlutik Oqartussat kommunellu ilaqtariinnut arlalinnut illuutaanni najugaqatigiiffimmi inissianik attartortitsinermit isertitat tamakkiisut sukkulluunniit annertussusilerneqarnerini, najugaqatigiiffiup aningaasartuutinik tamanik akiliisinnaanissa periarfissinneqassaaq, matumani ilanngullugit aningaasaliissutinit iluanaarutinut illumik piginnittumut akiliutitut aningaasartuutit, tak. § 31, aamma ingerlatsinermut atatillugu aningaasartuutit, matumani ilanngullugit allaffissornikkut aqutsinermut akiliutit, tak. § 32, imm. 1-6, aserorterisarnermik pinaveersaartitsinermut akiliutit, tak. § 32, imm. 7, aamma akiliutissatut illuartitallu aalajangikkat.

*Imm. 2.* Ineqarnermut akiliutit ukiumoortumik attartortitsisup najugaqatigiiffiummi ingerlatsinermut missingersuusiai akuerisaalu tunngavigalugit ukiumut tulliuttumut annertussusilerneqartassapput. Imm. 1-im iiumasqaatit naammassiniarlugit ineqarnermut akilummik qaffaanissaq pisariaqassappat, tamanna attartortunut ataasiakkaanut qaammatinik pingasunik sioqqutsisumik nalunaaruteqareernikkut pisinnaavoq. Siumoortumik ilisimatitsissut qaffaanermut tunngaviusut qaffaatissallu qaammammut koruuningnorlugit annertussusissaat pillugit paassisutissanik imaqanngippat siumoortumik ilisimatitsissut atortussaatinnejarsinnaanngilaq. Ukiumut tulliuttumut missingersuutit siumoortumik ilisimatitsissummut ilanngunneqarsinnaapput, tassanilu qaffaanermut tunngaviusoq allaqqassaaq. Ineqarnermut akiliutinik appaaperit siumut ilisimatitseqqaarani pisinnaapput.

*Imm. 3.* Aningaasartuutit ingerlatsinermut missingersuutinut ilanngunneqarsinnaasut ilaatigut tassaasinnaapput ilangussaq 1-im aningaasartuutit suussusilersornissaannut assersuutigineqartut. Ilangussaq 1-im allassimasut aningaasartuutaasinnaasut tamakkerneqanngillat.

*Imm. 4.* Najugaqatigiiffimmi siulersuisut immikkoortortami akuersaarnartunik annertussusilimmik pitsangorsaanissamut nutarterinissamullu siunnersuuteqarsinnaapput, tamatuma peqatigisaanik naugaqatigiiffimmi siulersuisut ineqarnermut akiulummut qaffatissat pisariaqartut akuerisinhaappatigik. Naugaqatigiiffimmi siulersuisut akuersaarnartunik annertussusilimmik pitsangorsaanissamut nutarterinissamullu siunnersuutaat najugaqatigiiffimmi ataatsimiititsisinermi akuersisutigineqassaaq.

*Imm. 5.* Naalakkersuisut pilersaarutaasumik aserfallatsaaluiuinissamut teknikikkullu atortulersuutinik nutarterinissamut illuartitsisarneq, ineqarnermut akiliutip naatsorsorneqartarnera aamma ineqarnermut akiliutip iluarsineqarnissaanut siumoortumik ilisimatitsisarneq pillugu maleruagassiorsinnaapput.

**§ 29.** Namminersorlutik Oqartussat kommunellu ilaqtariinnut arlalinnut illuutai kingusinnerpaamik 2010-mi imermut uuttuusersorneqarsimassapput, taamaalilluni illuummi imermik nillertumik kissartumillu atuinermut tamakkiisumut aningaasartuutinut naatsorsukkat immikkut atuineq malillugu attartukkanut ataasiakkaanut agguanneqarsinnaassallutik, taamaattorli tak. imm. 2.

*Imm. 2.* Imermut uuttuutinik inissianut ikkussuinissamut pisussaaffik atutissanngilaq:

- 1) ikkussuinissaq teknikip tungaanit isigalugu isumatusarnerunngippat,
- 2) Illuutip teknikikkut atortuinik iluarsaassinissaq 1. januar 2011 nallertinnagu pisussatut pilersaarusruneqarsimappat, imaluunniit
- 3) ikkussuinissaq najugaqatigiiffiup aningaasaqarneranut naleqqutinngitsumik nammakkiissappat.

*Imm. 3.* Illuummi teknikikkut atortulersuutinik, tak. imm. 2, nr. 2, iluarsaassinerup peqatigisaanik immikkut imermut uuttuusersuisoqassaaq.

**§ 30.** Ilaqtariinnut ataatsinut illut illullu affarleriit Namminersorlutik Oqartussanit kommunenillu pigineqartut ingerlatsinermut aserfallatsaaluiuinerfullu immikkoortortaqarfinnut, aningaasaqarnikkut imminnut ingerlattunut agguarneqassapput. Kommunep ilaqtariinnut ataatsinut illut illullu affarleriit ingerlatsinermut aserfallatsaaluiuinerfullu immikkoortortaqarfimmum ataatsimut amerlanerusunulluuniit agguassavai. Ilaqtariinnut ataatsinut illut illullu affarleriit Namminersorlutik Oqartussanit pigineqartut ingerlatsinermut aserfallatsaaluiuinerfullu immikkoortortaqarfimmum, Kalaallit Nunaanni ilaqtariinnut ataatsinut illunik illunillu affarleriinnit Namminersorlutik Oqartussanit pigineqartunit tamanit peqataaffigineqartumut ataatsimoortinnejassapput, matumanili Naalakkersuisunut pisortanullu inissiat, tak. § 14, imm. 1, ingerlatsinermut aserfallatsaaluiuinerfullu immikkoortortaqarfimmum imminut ingerlattumut, tak. § 14, imm. 4, inissinneqartut pineqanngillat.

*Imm. 2.* Namminersorlutik Oqartussat kommunellu ilaqtariinnut ataatsinut illuutaanni illuutaannilu affarleriinni ingerlatsinermut aserfallatsaaluiuinerfullu immikkoortortaqarfip inissiaataanik attartortitsinermi akiliutip sukkulluuniit annertussusilerneqarnerani, ingerlatsinermut aserfallatsaaluiuinerfullu immikkoortortaqarfip aningaasaliissutinit iluanaarutinut aningaasartuutinik, tak. § 31, aamma ingerlatsinermut aningaasartuutinik inissiamik piginnittumut akiliisinnaanissa periarfissinnejassaaq, matumani ilanngullugit allaffissornikkut aqutsinermut akiliutit, tak. § 32, imm. 1-6, matumani aningaasartuutit attartortumit toqqaannartumik akilerneqartut pinnagit, tak. imm. 7.

*Imm. 3.* Ineqarnermut akiliutit ukiumoortumik attartortitsisup ingerlatsinermut aserfallatsaaluiuinerfullu immikkoortortaqarfinnut ataasiakkaanut ingerlatsinermut missingersuusiaai akuerisaalu tunngavigalugit ukiumut tulliuttumut annertussusilerneqartassapput. Aningaasartuutit ingerlatsinermut missingersuutinut ilangunneqarsinnaasut ilaatigut tassaasinnaapput aningaasartuutit ilangussaq 2-mi sunaasinnaanerannut assersuutigineqartut. Ilangussaq 2-imi allassimasut aningaasartuutaasinnaasut tamakkerneqanngillat.

*Imm. 4.* Imm. 2-mi piumasaqaatit naammassiniarlugit ineqarnermut akilummik qaffaanissaq pisariaqassappat, tamanna attartortunut ataasiakkaanut qaammatinik pingasunik sioqqutsisumik nalunaaruteqareernikkut pisinnaavoq. Siumoortumik ilisimatitsissut qaffaanermut tunngaviusut qaffaatissallu qaammammut koruuninngorlugit annertussusissaat pillugit paasissutissanik imaqanngippat siumoortumik ilisimatitsissut atortussaatinnejqarsinnaanngilaq. Ineqarnermut akiliutinik appaanerit siumut ilisimatitseqqaarani pisinnaapput.

*Imm. 5.* Imm. 2-4-mi aalajangersakkat apeqqutaatinngit ingerlatsinermut aserfallatsaaluiuinerfullu immikkoortortaqarfimmu ineqarnermut akiliutit ilangussaq 3-mi akinut tunngavissatut allanneqartut, aningaasaliissutinit iluanaarutinut aningaasartuutinik illumik piginnittumut akilerneqartussanik, tak. § 31, aamma allaffissornikkut aqutsinermut aningaasartuutinik, tak. § 32, imm. 1-6, ilaqtarinnejqartut tunngavigalugit aalajangersarnejassapput. Akinut tunngavissat ukiumoortumik Inatsisartut aningaasanut inatsisaannut oqaasertaliussinikkut allangortinnejqarsinnaapput. Akinut tunngavissanik allanguinerup imaluunniit aningaasaliissutinit iluanaarutinut allaffissornikkullu aqutsinermut aningaasartuutit, tak. §§ 31 aamma 32, imm. 1-6, qaffannerisa kingunerisaanik ineqarnermut akiliutit qaffanneqassappata, tamanna attartortunut ataasiakkaanut qaammatinik pingasunik sioqqutsisumik nalunaaruteqareernikkut pisinnaavoq. Siumoortumik ilisimatitsissut qaffaanermut tunngaviusut qaffaatissallu qaammammut koruuninngorlugit annertussusissaat pillugit paasissutissanik imaqanngippat siumoortumik ilisimatitsissut atortussaatinnejqarsinnaanngilaq. Ineqarnermut akiliutinik appaanerit siumut ilisimatitseqqaarani

pisinnaapput.

*Imm. 6. Attartortitsisup ingerlatsinermut aserfallatsaaliuinermullu immikkoortortaqaarfimmi  
ineqarnermut akiliutissamik aalajangersaariaaseq allanngortissinnaavaa, attartortunut ataasiakkaanik  
qaammatinik pingasunik sioqqutsisumik qaammatisiutit malillugit ukiup naanissaanut  
atuuttussanngorlugu ilisimatitsereernermit. Naatsorsueriaatsip allanngortinneqarnera ineqarnermut  
akiliutit qaffannerinik kinguneqassappat, siumoortumik ilisimatitsissut atorsinnaassaguni qaffaanermut  
tunngaviusunik qaffaatissallu qaammammut koruuningnorlugit annertussusissaannik imaqassaaq.*

*Imm. 7. Eqqaavilerinermut, anartarfilerinermut, septiktankinik imaarsisarnermut, illu imermut  
tankeqarpal imermik pajunneqartarnermut aningaasartuutit kiisalu innaallagissamut, imermut  
kiassarnermullu aningaasartuutit toqqaannartumik attartortumit akilerneqartassapput.*

*Imm. 8. Naalakkersuisut pilersaarutaasumik aserfallatsaaliuinissamut teknikkikullu atortulersuutinik  
nutarterinissamut illuartitsisarneq, ineqarnermut akiliutip naatsorsorneqartarnera aamma ineqarnermut  
akiliutip iluarsiivigineqartarnissaanut siumoortumik ilisimatitsisarneq pillugu maleruagassiorsinnaapput.*

**§ 31. Ukiemoortumik Namminersorlutik Oqartussat kommunellu aningaasaliissutinit iluanaarutissaat  
illuutip sananeranut akiusup 1,5%-iannik annertussuseqassaaq.**

*Imm. 2. Illuutip sanameranut akiusup naatsorsorneqarnerani aningaasartuutit sananermut  
attuumassuteqartut tamarmik ilaatinneqassapput, matumani ilanngullugit pilersaarusiorneq,  
nakkutilliineq illulorfissamillu sanaartorfissagiuminarsaaneq. Illuutip sananeranut akiusoq, sananermut  
ningaasartuutiviusut apeqquatainnagit minnerpaamik kvadratmeterimut 7.000 kr.-inik aamma  
annerpaamik kvadratmeterimut 15.000 kr.-inik annertussulerneqartassaaq.*

*Imm. 3. Illuummi iluarsaaneqarsimasumi iluarsaassinerup naammassinerata kingorna illuutip teknikimut  
ningaasaqarnermullu tunngasunik naliliiffigineqarnera tunngavigalugu sananermut akiusoq  
aalajangersarneqassaaq, taamaattorli tak. imm. 2.*

*Imm. 4. Illuutinik pisinermi, pisinermi akiusoq illup sananeqarneratut akiusutut isigineqassaaq,  
kingusinnerusukkut naleqarnerulersitsisumik allanngortiterinerit, iluarsaassinerit imaluunniit  
pitsangorsaanerit ilassutigalugit, taamaattorli tak. imm. 2 aamma imm. 3. Illuutit akeqanngitsumik,  
tunissutit, kingornussinikkut, taarsiissutalimmik arsaagaanikkut imaluunniit pigisanik  
paarlaaseqatigiinnikkut pissarsiarineqartut sananermut akiata aalajangersarneqarnerani illuutip  
teknikimut ningaasaqarnermullu tunngasunik naliliiffigineqarnera tunngavigineqassaaq, taamaattorli tak.  
imm. 2.*

*Imm. 5. Illuutip sananeqarnerani akiusoq kvadratmeterimut 7.000 kr.-inut aalajangerneqarppat, tak. imm.  
2, aammalu illuummi atortulersuutinit ukunannga ataaseq amerlanerusulluunniit amigaataappata,  
sananermut akiusoq, tak. imm. 2, atortulersummut amigaataasumut ataatsimut kvadratmeterimut 1.000  
kr.-inik appartinnejartassaaq:*

- 1) Uffarfik/anartarfik imermik kuutsitsiviusartoq.
- 2) Kiassaateqarfimmiit kiassarneqarneq /kiassaat uuliatortoq/kiassaatit innaallagiatorut.
- 3) Innaallagiaq
- 4) Imeq imaluunniit imermut tanki.
- 5) Gassi imaluunniit innaallagiaq qalatsissutaasartoq.
- 6) Kiffutissat oqorsaatit, tak. imm. 6.

*Imm. 6. Naternut, qilaamut iikkanullu kiffutissat mineraluldit 250 mm-it inorlugit issussuseqarpata,*

sananermut akiusoq ilanngaaserneqassaaq, tak. imm. 5, nr. 6. Kifflutissat allat atorneqarsimappata, kifflutissat oqorsaasinnaassusiat mineralulidip oqorsaasinnaassusianut uuttuunneqassapput.

*Imm. 7. Naalakkersuisut imm. 3 aamma 4 malillugu teknikimut aningaasaqarnermullu naliliinissap qanoq ingerlanneqarnissaq pillugu maleruagassiorsinnaapput.*

**§ 32.** Attartortitsisup attartortut allaffissornikkut aqutsinermut akiliuteqartissinnaavai, aningaasartuutinut allaffissornermut attuumassuteqartunut matusissutissanik. Allaffissornermut akiliut imm. 3-5-imi maleruagassat malillugit aalajangerneqassapput.

*Imm. 2. Allaffissornikkut aqutsisussamik attartortitsisoq avataaniit atorfinitssisinnaavoq. Avataaniit allaffissornikkut aqutsisussap akissarsiassai attartortitsisup allaffissornikkullu aqutsisup akunnerminni isumaqatigiissuteqarnerisigut aalajangerneqassapput, taakkulu attartortitsisup imm. 3-5-imi maleruagassat malillugit allaffissornikkut aqutsinermut akiliutit attartortunit akilertissinnaavai.*

*Imm. 3. Allaffissornikkut aqutsinermut akiliutit attartukkanut ataasiakkaanut angeqqatigiimmik agguarlugit imaluunniit imm. 4-mi aamma 5-imi maleruagassat malillugit angissusilerneqassanersut attartortitsisup aalajangissavaa.*

*Imm. 4. Allaffissornikkut aqutsinermut akiliutit agguarlugit aalajangiiffiqeqarsinnaapput, taamaalilluni tunngaviusumik sullissinernut akiligassanut tunngaviusumik annertussusiliisoqartassalluni aammalu ilassutitut sullissinernut akiligassanut ilassutissanik annertussusiliisoqartassalluni. Tunngaviusumik sullissinermi akiliutip qularnaasavaa tunngaviusumik isumannaatsumik allaffissornikkut aqutsinerup isumagineqarnissaq.*

*Imm. 5. Tunngaviusumik sullissinermi akiliutissat attartornernut ataasiakkaanut angeqqatigiinnik annertussusilerlugit aalajangerneqassapput. Illassutitut akiliutissat najugaqtigiffinni imaluunniit ingerlatsinermut aserfallatsaaluiinermullu immikkoortortaqarfinni, attartortitsisup ilassutitut suliassatut toqqarsimasaani attartortunut akilersissavai.*

*Imm. 6. Naalakkersuisut Namminersorlutik Oqartussat kommunellu inissiaataasa attartortittakkat allaffissornikkut aqunneqarnerat ingerlanneqarnerallu, matumanilanganngullugit ilaatigut allaffissornikkut aqutsinermut akiliutip immikkoortui, tunngaviusumik ilassutitullu sullissinert immikkoortiterneri, akiliutit kiffartuussinernullu akiliutit immikkoortiterneri, aningaasaliissutinik allaffissornikkut aqutsineq, missingersuusiorneq, naatsorsuutinik saqqummiussisarneq kukkunersiuinerlu pillugit maleruagassiorsinnaapput.*

*Imm. 7. Attartortitsisup Namminersorlutik Oqartussat kommunellu ilaqtariinnut arlalinnut illuutaanni attartortut akiliisissinnaavai, najugaqtigiffimmi aserorterisarnermik pinaveersaartitsinermut atatillugu aningaasartuutinut naleqquuttunut matussutissanik.*

*Imm. 8. Attartortitsisup inissiaataasa inisisimaffiannut pitsangorsaanissamut imaluunniit aningaasaleeqqinnissamut aningaasartuutinut matussutissanik attartortitsisoq Namminersorlutik Oqartussat kommunillu ilaqtariinnut arlalinnut illuutaanni attartortunut akiliisitsisinnaavoq. Akiliutissap annertussusissaa ukiumi pineqartumi Inatsisartut aningaasanut inatsisaanni oqaasertaliussinikkut annertussusilerneqassaaq.*

**§ 32 a.** Namminersorlutik Oqartussat imaluunniit kommunit inissiaataat attartortittakkat, ukiut tallimat kingulliit iluini oqoqarsimasut nalunaarsorneqassapput. Inissiaq qaqugukkut oqoqarsimanersoq, qanoq annertutigisumik oqoqarsimanersoq, equijaanerlu pillugit attartortitsisoq nalunaarsuissaq.

*Imm. 2.* Oquk patsisaalluni inissiaq attartortittagaq nutarterneqarsimappat, inissiarlu attuumassuteqanngitsumit paasisimasalimmillu misissuinnikkut oqoqarunnaarsimasut uppernarsarneqarsimappat, imm. 1 naapertorlugu nalunaarsuinissaq pinngitsoortinnejarsinnaavoq. Inissiaq oqoqarunnaarsimasoq misissuinerup uppernarsassavaa.

*Imm. 3.* Nalunaarsuinissaq pillugu, matuman iinssiat attartortittakkat sulisunut inissiatut atorneqartut kisimik nalunaarsorneqarnissaat kiisalu inissiat attortittakkat annertugisassaangitsumik oqoqartut nalunaarsorneqartariaqannginnerat ilanggulligit, Naalakkersuisut malittarisassanik aalajangersaasinnaapput.

**§ 32 b.** §§ 11, 12, 15, 16, 17-ilu innersuussutigalugit atorfillip sulisunut inissiaq § 32 a naapertorlugu nalunaarsorneqarsimalluni Namminersorlutik Oqartussanit imaluunniit kommunimit pigineqarluni innersunneqartoq tigujumanngippagu, Namminersorlutik Oqartussat imaluunniit kommu najugaqarfimmut ingerlatsinermut tapiissuteqassaaq. Inissiaq attartortittagaq allamut attartortinneqarsinnaangippat ingerlatsinermi tapiissutit tunniunneqassapput, tamatumalu kingunerisaanik najugaqarfip amigartoorutit ingerlatsinermut missingersuutini matussusersinnaassavai. Atuineq ilangunnagu qaammammut attartornermi akiligassaq, ingerlatsinermi tapiissutit naleqqatigissavai. Ukiumut ataasiarluni ingerlatsinermut tapiissuteqartoqarsinnaavoq, inissiamullu ataatsimut annerpaamik pingasoriarluni ingerlatsinermut tapiissuteqartoqarsinnaalluni.

#### *Illuutit attartortittakkat namminersortunit pigineqartut*

**§ 33.** Inissiani attartortittakkani namminersortunit pigineqartuni ineqarnermut akiliut aningaasartuutit malillugit annertussulerneqassaaq, taannalu attartortitsisup aningaasaliissutinut aningaasartuutigisaanit uppernarsarneqartunit, ingerlatsinermut aningaasartuutigisaanit uppernarsarneqartunit aammalu illutip teknikkut aningaasaqarnikkullu nalingata diskontop affaatut annertussusilimmik ernialersorneqarneranit akiliutigisaanit qaffasinnerussanngilaq. Ineqarnermut akiliut inissiat angissusat naapertorlugu agguarneqassaaq.

*Imm. 2.* Aningaasaliissutinut aningaasartuutit uppernarsarneqartsut tassapput illutaarnissaq siunertalarugu taarsigassarsilluni aningaasaliissuteqarnermi taarsigassarsiat ernaat imaluunniit sanatitsisup nammineq aningaasaatai atorlugit annaaratarneqarsinnaangitsunik aningaasaliissuteqarnermi erniat naatsorsukkat, aningaasaliissuteqarnermi annaasaqaratarsinnaanermut ilassuserlugin.

*Imm. 3.* Ingerlatsinermut aningaasartuutit uppernarsarneqartsut ilaatigut tassaapput innaallagissamut, imermut, eqqianermet, allaffissornikkut aqutsinermut, sillimmasiinermut aserfallatsaaliuinermullu aningaasartuutit, kiisalu illutip attartukkallu qanoq issusia eqqarsaatigalugu naapertuuttutut isigneqartut malillugit teknikkut atortulersuutinik nutarterinissamut illuartitat.

*Imm. 4.* Illutip teknikkut aningaasaqarnikkullu nalingata naatsorsorneqarnerani periaatsit Naalakkersuisunit aalajangersarneqartut malinneqassapput, tak. § 31, imm. 7.

*Imm. 5.* Attartortitsisoq pisinnaatitaavoq akinik qaffaanerit, akigititaasunik qaffaanerit il.il.

kingunerisaannik, imaluunniit attartortitsisoq illumumi attartukkamiluunniit pitsannguisimappat ineqarnermut akilummik qaffaanissamik piumasaqaateqassalluni. Piumasaqaat allakkatigut saqqummiunneqassaaq, tamatumunngalu peqatigitillugu illumumi attartortunut tamanut qaammatinik pingasunik sioqqutsisumik saqqummiunneqassalluni. Piumasaqaat qaffaanermut tunngaviusut qaffaatissallu annertussusissaat pillugit paassisutissanik imaqanngippat, siumoortumik ilisimatitsissut atortussaatinnejarsinnaanngilaq.

**§ 34.** Attartortup attartornermut akiliutip qaffannissaa, tak. § 33. imm. 5, pillugu piumasaqaat akueriumanngikkuniuk, attartortoq piumasaqaatip tiguneraniit kingusinnerpaamik sapaatit akunnerisa sisamat qaangiunnerini attartortitsisumut allakkatigut akerliliisummik saqqummiussissaaq, tassanilu piumasaqaammi immikkoortut suut akuerineqarsinnaannginnersut allanneqassaaq. Taamatut pisoqarpat attartortitsisup ineqarnermut akilummik qaffaanissaminik piumasaqarnini aalajangiisimaannaruniuk suliaq sapaatit akunneri arfinillit qaangiutinnagit eqqartuussivinnut suliakkiissutigissavaa.

*Imm. 2.* Suliaq eqqartuussivinnut suliakkiissutigineqarpat, attartortitsisup ineqarnermut akiliutissatut siumoortumik nalunaarutigalugu piumasaqaatigineqartoq akilersortissavaa ineqarnermut akiliutaagallartutut eqqartuussiviup aalajangiinissaata tungaanut. Tamatuma kingorna ineqarnermut akiliut eqqartuussiviup aalajangiinera naapertorlugu iluarsiivigineqassaaq. Ineqarnermut akilummik akiliisitsivallaartoqarsimappat, eqqartuussiviup aalajangerneraniit kingusinnerpaamik qaammatit pingasut qaangiunnerini attartortitsisup ineqarnermut akiliut iluarsiivigissavaa, piffissamit ineqarnermut akiliisitsivallaarfiusup aallartinneraniit atuuttussatut naatsorsorlugu.

*Imm. 3.* Attartortitsisup ineqarnermut akiliisitsivallaarutinik iluarsiinera eqqartuussiviup aalajangiineraniit qaammatit pingasut sinnerlugit kingusinneruppat, attartortup ineqarnermut akiliivallaarutit ernialerneqarnissaat piumasarisinnaavaa, piffissamit ineqarnermut akiliisitsivallaarfiusup aallartinneraniit atuuttussatut naatsorsorlugu. Kingusinaarluni akiliinermi il.il. ernialersuisarneq pillugu inatsimmi maleruagassat naapertorlugit erniat naatsorsorneqassapput.

*Imm. 4.* Attartornermut akiliutip qaffanneqarnissaanik ilimasaarinissamut maleruagassanik attartortitsisup malinninnnginera, inissiamik attartortittakkamik, inissiaatileqatigiiffimmit Namminersorlutik Oqartussanit imaluunniit kommunimit aalajangiiffigineqarlutik sunniuteqarfingeqartartumit, takuuk § 33, imm. 5, oqaaseqatigiit appaat pingajuallu naapertorlugit kingusinnerpaamik piumasaqaatip tiguneqareerneranit sapaatit akunnerisa sisamat qaangiutinnginnerini, attartortup Ineqarneq pillugu Maalaaruteqartarfimmumt maalaarutigisinnaavaa. Ineqarneq pillugu Maalaaruteqartarfiup aalajangiinissaata tungaanut attartortitsisup attartornermut akiliut ilimasaarutigineqartoq ineqarnermut akiliutaagallartutut akilersittarsinnaavaa. Imm. 2-3 taamaaqataanik atuutissapput. Ineqarneq pillugu Maalaaruteqartarfimmumt maalaaruteqartoqarnerani, Ineqarneq pillugu Maalaaruteqartarfiup aalajangiinerata attartortitsisumut apuunnissaata tungaanut eqqartuussivinnut suliakkiissuteqarnissamut attartortitsisup piffissamut killigititaa atorunnaarsinneqassaaq.

**§ 35.** Illuutini illuniluunniit pisortanit imaluunniit namminersortunit pigineqartuni ineeqqanik najugaqarfissanik inuinnarnut attartortitsinermi, ineqarnermut akiliutit annerpaamik inissiami ineqarnermut imaluunniit akilersuutinut akiliutinut, kiassarnermut, innaallagissamut, imermut il.il. aningaasartuutaasunut, ineeqqat amerlassusaannut naatsorsorneqartnunut naapertuuttumik annertussusilernejassapput.

*Imm. 2. Ineeqqani attartortitsisup nammineq najugaata ilaanniittuni attartornermut akiliutit qaffanneqarnissaat qaammammik ataatsimut sioqqutsisumik ilisimatitsissuteqareernikkut pisassapput. Ineeqqanun allanut tunngatillugu qaammatinik pingasunik sioqqutsisumik ilisimatitsisoqartassaaq. Siumoortumik ilisimatitsissut allaganngorlugu saqqummiunneqassaaq.*

*Ataatsimut aalajangersakkat*

**§ 36.** §§ 30-35-mi maleruagassat attartortumut ajoqtaasumik isumaqatigiissuteqarnikkut sanioqqunneqarsinnaanngillat.

**Kapitali 5**

*Qularnaveeqqusiissummit ineqarnermullu akilummik akiliisarneq*

**§ 37.** Attartornerup aallartinnerani Namminersorlutik Oqartussat kommunellu inissiaataanni attartortittakkani attartortut qularnaveeqqusiissut, qaammatini pingasuni ineqarnermut akiliutissap annertoqataanik annertussusilerneqartoq attartortitsisumut tamakkerlugu akilissavaat. Attartortup attartornerup aallartinnerani qularnaveeqqusiissutissaq tamakkerlugu akilersinnaangnikkuniuk, attartortup akiligassaq qaammatinut aqqaneq-marlunnut angeqyatigiinnut aggorlugu qaammatikkaartumik akilersorsinnaavaa, tak. imm. 7.

*Imm. 2. Akilersuinissamik isumaqatigiissuteqarnermi, tak. imm. 1, attartortoq isumaqatigiissutip pilersinneqarneranut akiliuttitut 500 kr.-inik sullissinermut akiliisinneqassaaq, piffissallu akilersuiffiusup ingerlanerani qaammatit tamaasa 50 kr.-inik sullissinermut akiliisinneqartassalluni, taamaattorli tak. imm. 3. Attartortitsisup akileeqqusinermut sullissinermut akiliuttitut 50 kr.-inik, taassumalu saniatigut akiitsut 1.000 kr.-it sinnerlugit amerlassuseqartut 2%-iinik akiliinissaq piumasarisinnaavaa, taamaattorli tak. imm. 3. Aningasat koruuninut ilivitsunut qaninnernut ikilineqassapput. Sullissinermut akiliut attartortitsisumut tutsinneqartassaaq.*

*Imm. 3. Sullissinermi akiliutissanik akiilisitsiniartarneq, tak. imm. 2, inissarsiortunut, inoqutigiinni inissarsiortuni ukiumut isertitat akileraarutaasussat piffissami pineqartumi naatsorsorneqartut inissiani attartortittakkani ineqarnermut tapiissuteqartarneq pillugu Inatsisartut peqqussutaat nalunaarutillu tassunga attuumassuteqartut sukkulluunniit atuutsinneqartut naapertorlugit ineqarnermut tapiiffingeqarnissamut killissarititaasut inorlugit amerlassuseqarpata atuutsinneqassanngilaq.*

*Imm. 4. Equnngitsunik paassisutissiinerup kingunerisaanik qularnaveeqqusiissutigineqartussat tamakkerlutik ataatsikkut akiligassanngortinneqarsinnaapput.*

*Imm. 5. Attartortup attartukkaminik qimatsineranut atatillugu attartortitsisup qularnaveeqqusiissut immikkullu qularnaveeqqusiissut, tak. § 50, imm. 7, attartortumut piumasaqaatinut matusissutissatut atorsinnaavai.*

*Imm. 6. Naafferartumik akilersuinissamik isumaqatigiissuteqarsinnaatitaaneq attartortunut ukiut pingasut kingulliit iluanni attartorsimasaminni inigisamut aningasartuutinut ingerlaavartunut akiliinngitsoortarnikkut sumiginnaasimasunut atuutinngilaq.*

*Imm. 7. Naalakkersuisut qularnaveeqqusiissuteqartarneq pillugu maleruagassiorsinnaapput.*

**§ 38.** Attartortoq pisussaavoq ineqarnermut, imermut kiassarnermullu akiligassanik, attartornermut isumaqatigiissummi aalajangersarneqartumi akiliinissamut piffissaq eqqorlugu akiliisassalluni.

*Imm. 2.* Attartornissamut isumaqatigiissummi allatut aalajangersagaqangippat ineqarnermut, imermut kiassarnermullu qaammammi pineqartumi akiligassat qaammatip naanerani aningaaseriviit ulloq kingulleq ammasarfiniti qaammammut siumoortumik akilerneqartassapput. Ineqarnermut, imermut, kiassarnermullu akiligassat qaammammut naatsorsorneqaratik piffissamut allamut akilerneqartussatut naatsorsorneqartut, aningaaseriviit ulloq kingulleq ammasarfiniti piffissamut pineqartumut siumoortumik akilerneqartassapput. Piffissaagallartillugu akiliineq, ullormi akiliiffissatut kingullermi kingusinnerpaamik akiliisoqartassaaq.

*Imm. 3.* Attartortitsisoq akiliiffissamik akileeriaasisssamillu innersuussissaqaq. Aningaaserivikkut akiliineq akiliiffissatut innersuunneqartumut akiliinertut isigineqassaaq. Akiliiffissamik innersuussisoqarsimannngippat ineqarnermut akiliut attartortitsisup niuernermik ingerlataqarfianut imaluunniit attartortitsisoq avataaniit aqutsisumik atuippat, taassuma niuernikkut ingerlataqarfianut akilerneqassaaq.

**§ 39.** Attartornermik taamaatitsitsinermi imaluunniit piffissami aalajangersimasumi attartortitsinerup naanerani attartortoq pisussaavoq, attartornerup attartornissamik isumaqatigiissut naapertorlugu naanissaata tungaanut piffissaq eqqorlugu ineqarnermut akiliisassalluni, tak. §§ 70 aamma 71.

**§ 40.** Inissianik namminersortunit pigineqartunik attartortitsinermi qularnaveeqquisiissutit siumoortumillu ineqarnermut akiliutit qaammatini arfinilinni attartornerup nalinga sinnerlugu amerlassuseqassanngillat.

*Imm. 2. Imm. 1* attartortumut ajoqtaasumik sanioqqunneqarsinnaanngilaq.

## Kapitali 6

*Imermut, kiassarnermut il.il. akiliisarneq*

**§ 41.** Attartortitsisoq kiassanermik imermillu kissartumik attartortumut pilersuisuuguni, attartortitsisup attartortup kiassarnermut imermullu kissartumut atugaanut aningaasartuutini, kiisalu attartortup inini ataatsimoorfiusuni assigisaanniluunniit kiassarnermut imermullu aningaasartuutinut akileeqataassutissai attartortumut akiligassiissutigisinnavai. Tamakkununnga aningaasartuutit ineqarnermut akiliummut ilaatinneqarsinnaanngillat, ukiumoortumilli kiassarnermut naatsorsuutit immikkut ittut, attartortitsisup suliarineqartut aqqutigalugit akilerneqassallutik. Ukiumoortumik kiassarnermut naatsorsuuteqarfiusumi qaammatisiutit ukiuat malinneqassaqa.

*Imm. 2.* Attartortup aningaasartuutinut akileeqataasutissatut matusissutissaannut attartortoq qaammatikkaartumik akiliutaagallartunik akiliisinneqartassaaq. Attartortup akiligassaa attartornermini akiligassatut pisussaaffiuvoq, aammalu ineqarnermut akiliummut ilanngullugu akiligassiissutigineqartassalluni, tak. § 38.

*Imm. 3.* Attartortitsisoq kiassarnermut naatsorsuusiornerminut atatillugu allaffissornikkut aqtsinermut akiligassanik akiliisitsisinnaavoq.

*Imm. 4.* Naalakkersuisut kiassarnermut naatsorsuusiorneq, aningaasartuutit attartortunut

agguarneqartarnerat, akiliisarneq aamma kiassarnermut akiliutissat iluarsiivigineqartarnerat pillugit maleruagassiorsinnaapput.

**§ 42.** Attartortitsisup illummi ukumi kiassarnermut naatsorsuuteqarfiusumi kiassarnermut imermillu kissartumik pilersuinermut aningasartuutit pillugit kiassarnermut naatsorsuutit, sumiiffimmut attartortitsisup nammineerluni toqqagaanut kingusinnerpaamik apriilip ulluisa 30-anni saqqummiutissavai.

*Imm. 2. Ulloq imm. 1-im i alajangerneqartoq taanna nallertinnagu naatsorsuutit saqqummiunneqanngippata, attartortitsisup akiliutaagallartut saniatigut akiligassanik akiliisitsiniarsinnaatitaanini annaassavaa.*

*Imm. 3. Naatsorsuutit kingusinnerpaamik juunip ulluisa 30-anni saqqummiunneqanngippata, attartortup naatsorsuutit inaarutaasut malillugit pisassami akilerneqarnissaasa tungaanut, Kalaallit Nunaanni aningaaserivimmi uningasuuutinut erniat sukkulluunniit qaffasinnerpaatinneqartut annertoqataannik ernialersussallugit pisinnaatitaavoq. Attartortup pisassaasa ernialersorneqarnerat aallarissaaq juunip ulluisa 15-anni, attartortup pisassaqarnera ulloq taanna allakkatigut attartortumut nalunaarutip nassiunneqartussaaffia aallarnerfigalugu.*

*Imm. 4. Kingusinnerpaamik juunip ulluisa 15-anni akileriikkat saniatigut akiligassat imaluunniit utertitassat pillugit allakkatigut nalunaarutit attartortumut nassiunneqarsimassapput. Nalunaarut attartortup imm. 6 naapertorlugu akerliliisnnaanera pillugu paassisutissanik imaqassaaq.*

*Imm. 5. Imm. 4 naapertorlugu allakkatigut nalunaarut kingusinnerpaamik juunip ulluisa 15-anni nassiunneqarsimannngippat, attartortoq akiligassat saniatigut akiliisinniarneqarsinnaanngilaq.*

*Imm. 6. Attartortup naatsorsuutinut akerliliissutaa allakkatigut attartortitsisumut saqqummiunneqassaaq, kingusinnerpaamillu aggustip ulluisa aallaqqataanni attartortumut nassiunneqarsimassalluni. Akerliliissut naatsorsuutini immikkoortut suut akuerineqannginnersut pillugit paassisutissanik imaqassaaq.*

**§ 43.** § 42, imm. 4-mi piffissarititaasup naanerani avataanit pilersuisunit kiassarnermut naatsorsuutinut naammassisunut akiligassanik siumut naatsorsuutigeriinngisanik tigusaqartoqarpat, attartortitsisup akiligassat immikkut ittumik iliuuseqarluni kiassarnermut naatsorsuutinut tulliuttunut nuussinnaavai. Attartortitsisoq akiligassat nuunneqartut annertussusiat pillugu attartortunut ilisimatitsissuteqassaaq.

*Imm. 2. Aningasartuutit attartortut akornanni kukkusumik agguarneqarsimappata, attartortitsisup kukkuneq erngerluni iluarsissavaa, tamannalu pillugu attartortunut kalluarneqartunut allakkatigut ilisimatitsissuteqassalluni, tak. imm. 3 aamma 4.*

*Imm. 3. Attartortoq akiligassiissutaagallartunut akiliinikippallaarsimappat, attartortitsisoq akiligassanut ilassutissanik siusinnerpaamik attartornermut akiliutinik akiliiffissami siullermi, imm. 2 naapertorlugu qaammammi attartortup nalunaarummik tigusaqarfianut tulliuttumi akiliisoqarnissaanik piumasaqarsinnaavoq. Illassutissatulli akiligassat qaammatini pingasuni kiassarnermut siumoortumik akiliutaagallartunit amerlaneruppata, attartortoq pisinnaatitaavoq akiligassat qaammatikkaartumik akiligassatut pingasunut annertoqatigiinnik annertussusilerlugit agguarlugit akilissallugit.*

*Imm. 4. Attartortoq akiligassiissutaagallartunut akiliivallaarsimappat, imm. 2 naapertorlugu nalunaaruteqarnerup kingorna akiliivallaarutit attartortumut aningasanganngorlugit akilerneqassapput, imaluunniit attartornermut akiligassanit siullernit ilanngaatigineqassallutik.*

*Imm. 5. §§ 41 - 43-mi maleruagassat attartortumut ajoqtaasumik isumaqatigiissuteqarnikkut sonioqqunneqarsinnaanngillat.*

**§ 44.** Pilersuinermik ingerlatseqatigiiffiusoq illuatungeriit isumaqatigiissuteqarnerat tunngavigalugu attartortunut imermik pilersuisuuppat, akileeqqusissut akilikkallu pilersuinermik ingerlatseqatigiiffiusup attartortullu akornanni toqqaannartumik naammassineqassapput. Akileeqqusissutit akilikkallu pilersuinermik ingerlatseqatigiiffiusup piumasaqaatai nalinginnaasut naapertorlugit ingerlanneqassapput.

*Imm. 2. Attartortitsisoq attartortumut imermik pilersuisuuppat, attartortitsisoq tamatumunnga aningaasartuutini matussusertinniarlugit piumasaqarsinnaavoq. Attartortitsisup attartortoq attartortitsisup imermut aningaasartuutanut matussutissanik akiliutaagallartussanik akileeqqussavaa. Akiliutaagallartussat qaammammut ataasiarluni immikkoortillugit ineqarnermut akiliutissat nassiunneqarnerinut ilanngullugit akilersinniarneqartassapput.*

*Imm. 3. Illuummi inissiat immikkut naatsorsuinermut uuttuusersugaanngippata, illummi imeq atorneqartoq tamakkiisoq attartukkat ataasiakkaat angissusaat naapertorlugu agguarneqassaaq. Imermut naatsorsuusiornermi attartortitsisoq attartukkamut ataatsimut akiliisitsinnaavoq, akiliutissarlu 275 kr.-init annertunerussanngilaq. Imermut naatsorsuutit najugaqatigiiffimi illuutip inissismaffigisaani ukioq naatsorsuusiorfusoq malissavaat.*

*Imm. 4. Illuummi attartukkat ataasiakkaat immikkut naatsorsuinermut uuttuusersugaappata, uuttuutit ataasiakkaat aningaasartuutinut matussusiissutissanik akiliisitsiniarnissaq imaluunniit akiliutaagallartunut akiliivallaarutinik utertitsinissaq siunertaralugu ukiumut ataasiarlutik atuarneqartassapput. Tamannattaq attartortup inissiamut iserterneranut aamma inissiamit anineranut atuutsinneqarpoq. Akiligassani attartortumut nassiunneqartuni ilaatinneqartussat tassaapput piffissami imermut uuttuut malillugu imermik atuinerup annertussuserpiaa 5 %-inik ilaqtinnejartoq, atuaanermut akiliut 175 kr.-init annertunerutinneqartussaanngitsoq, kiisalu uuttuummik attartorneq uuttuummut ataatsimut qaammammut 10 kr.-inik annertussusilerneqartoq.*

*Imm. 5. Attartortup attartortitsisumut isumaqatigiissuteqareeragut nammineerluni imermut uuttuumik atuaalluni tamatuma inerneranik attartortitsisumut nalunaaruteqartarpal, attartortoq atuaanermut akiliummik 50 kr.-it sinnernagit annertussuseqartumik akiliisinneqartassaaq. Akiliutaagallartunut akiliivallaarutit attartortumut utertinneqartassapput, aammalu akiliutaagallartunut akiliinikippallaarutit attartortumut ilassutit akiligassanngortinneqartassapput. Illassutit akiligassat qaammatini pingasuni imermut akiliutaagallartunit annertuneruppata, attartortoq pisinnaatigaavoq akiligassat qaammatikkaartumik akiligassatut annertoqatigiinnut pingasunut agguarlugit akilersussallugit.*

*Imm. 6. Naalakkersuisut atuaasneq imermullu atukkamut akiliisitsisarneq, kiisalu imermut naatsorsuusiortarneq pillugu sukumiisunik maleruagassiorsinnaapput.*

## Kapitali 7

*Aserfallatsaaliuineq, iluarsaassineq atuinerlu*

**§ 45.** Namminersorlutik Oqartussat kommunillu inissiataaanni attartortittakkani illuutit attartortitallu isumannaatsumik aserfallatsaaliorneqarnissaasa isumagineqarnissaa attartortitsisup pisussaaffigaa.

*Imm. 2. Avammut kuuffinnut, kiassarnermut, innaallagissamut, gassimut imermullu teknikkut atortulersuutit tamarmik pitsasuutinnejassapput atorsinnaasutinnejassallutilu. Taamatuttaaq*

innaallagissamut ikkuffit, iikiussat, matserfiit, kiassaatit, ruujorit, sikaaviit alaakkaasut, illup iluani atortut il.il. aserfallatsaalissallugit attartortitsisup pisussaaffigai. Nungullarnikkut pisoqalinikkullu ajorseriaatsit kingunerisaannik ima akulikitsigisumik isumagineqartassapput nutarterinerit iluarsaassinerillu illuutit attartorneqartullu pissusissaat eqqarsaatigalugit pisariaqartitsinerit malillugit suliarineqartassallutik.

*Imm. 3. Piffissami attartorfiusumi attartortup inissiami qilaat qalipallugit qaorsarnissaat, iikkat qalipannissaat aamma/imaluunniit ungalitsersorneqarnissaat kiisalu natit lakkernissaat akisussaaffigaa taakkununngalu aningaasartuutit akilissallugit.*

**§ 46.** Inuinnaat inissianik attartortitsineranni attartortoq attartortitsisorlu allanik isumaqatigiissuteqarsimangippata § 45-mi allassimasut atorneqassapput.

**§ 47.** Attartortitsisup attartorneqartoq piffissamit attartornissap aallartiffissaaniit pitsasumik isumannaatasumillu pitsaassuseqartillugu attartortumut atugassanngortissavaa. Ikkat, qilaat naqqillu nalinginnaasumik iluarsanneqarsimassapput, tak. § 77, imm. 1. Attartugassaq eqqiarneqarsimassaaq uumasuaraqassananilu, igalaat, sikaaviit matui aamma matut ilivitsuussapput atorsinnaasunillu paarnaarsaateqassallutik. Kiisalu matut silarliit tamarmik immikkut marlunnik matuersaateqassapput, teknikikkullu atortulersuutit ajoquteqassanatik.

*Imm. 2. Inissiamut iserternissamut atatillugu attartortitsisup attartortoq taannaluunniit sinnerlugu takkuttoq ilagalugu inissiaq takuniassavaat inissiamullu iserternermut nalunaarusiusallutik, taassumalu assilineranik attartortoq tunineqassaaq, taamaattorli tak. imm. 5. Takuniaanermi amigaatit malugineqartut inissiamut iserternermut nalunaarusiamut ilanngunneqassapput.*

*Imm. 3. Amigaatit allat, attartortup inissiamut iserternermi kingorna tigusinermut atatillugu tikkuarsutai inissiamut iserternermiit sapaatit akunneri marluk qaangiutsinnagit allakkatigut attartortitsisumut nalunaarutigineqassapput. Amigaatilli nalinginnaasumik misissuinermi takuneqarsinnaasimangippata imaluunniit attartortitsisoq peqquserlussimappat tamanna atutissanngilaq.*

*Imm. 4. Imm. 2-mi aamma 3-mi maleruagassat attartortumut ajoqutaasumik isumaqatigiissuteqarnikkut sanioqqunneqarsinnaanngillat.*

*Imm. 5. Inissiamut iserternissamut atatillugu misissuinissamut aningaasartuutissat annertualaarpata, inissiamut iserternissamut atatillugu takuniaaneq pinngitsoorneqarsinnaavoq.*

**§ 48.** Attartortup attartorneqartoq isumannaatsumik paarissavaa, ajoqusikkanullu attartortup nammineq, attartortup inoqutaasa allalluunniit attartortup attartorneqartumut isersinnaatitaasa isumannanngitsumik pissusilorsnerisigut ajoqusersimasaannut taarsiinissamut attartortoq akisussaavoq. Takusaanermi paarsinerluttoqarsimasoq paasineqarpat, attartortitsisup tamanna piumasarippagu attartortup ingerlaannartumik ajoqusikkat iluarsaatissavai.

*Imm. 2. Attartortup attartortitsisoq akuersiseeqqaarnagu inissiaq isumaqatigiissutigineqartumit allaanerusumik atussanngila.*

*Imm. 3. Inissiami ineqqanik ataasiakkaanik inisimasunut allanut attartortitsinerup saniatigut, attartortup attartortitsisoq akuersiseeqqaarnagu inoqutigisami saniatigut allanut attartorneqartoq atugassanngortissanngila, taamaattorli tak. § 58.*

*Imm. 4. Ineqqanik attartortut attartortitsisoq akuersiteeqqaarnagu ineqqamik atuinernik allanut tunniussinnaanngilaat.*

*Imm. 5. Attartortup attartortitsisoq pisariaqartinneqartumik isumaqatigiissuteqarfgeeqqaartinnagu inissiaq piffissaanngitsukkut qimassanngilaa.*

**§ 49.** Attartortup pissutissaqavinnngikkuni attartortitsisoq inissiamik inatsisinik unioqqutitsilluni atuisoqarnersoq imaluunniit aserfallatsaalilinerup qanoq issusianik paasiniaalluni, iluarsaassisooqassatillugu imaluunniit allanut attartortitsisoqassatillugu inissiamik misissuiniarpat inissiamut isernissaanik itigartissinnaanngilaa.

*Imm. 2. Attartortitsisoq sapaatit akunnerinik arfinilinnik siumut ilisimatitsereernermigut attartukkami suliassanik aallartitsisinnaavoq, suliat ingerlanneqarnissaat attartortumut annertuumik akornutaassanngippata. Sulianik allanik aallartitsisoqartinnagu attartortoq qaammatinik pingasunik siumut ilisimatitsereertussaavoq. Taamaattorli attartortitsisoq tamatigut suliassanik kinguartinneqarsinnaanngitsunik siumut ilisimatitseqqaarani iluarsaassisinnaavoq.*

*Imm. 3. Suliat suugaluartulluunniit attartortitsisumit aallartinneqartut unitsinnejaratik attartortumullu sapinngisamik annertunerpaamik mianerinnilluni sularineqartassapput. Attartortitsisoq ingerlaannartumik suliat malitsigisaanik iluarsaassisaaq.*

**§ 50.** Attartortup taassumalu inoqtaasa kiisalu inuit attartortumit attartorneqartumut isersinnaatitaasut illumi torersaarnissamut maleruagassat, ilangussaq 4-mi taaneqartut maleruassavaat.

*Imm. 2. Najugaqatigiiffimi siulersuisut torersaarnissamut maleruagassanut ilassutaasunik aalajangersaasinnaapput, taakkulu attartortitsisumit akuerineqarnerminni atuutsinnejalissapput.*

*Imm. 3. Namminersorlutik Oqartussat aamma kommunit inissiataanni attartortittakkani uumasuuteqarnissaq akuerisaavoq, taamaattoq takukkit imm. 4-7.*

*Imm. 4. Imm. 3 apeqquataatinnagu, taamaattoq najugaqatigiiffimi pineqartumi uumasuuteqarneq akuerisaassanngitsoq, najugaqatigiiffimi siulersuisut aalajangersinnaapput.*

*Imm. 5. Ilangussaq 4 naapertorlugu uumasuuteqarneq pillugu torersaarnissamut maleruagassani piumasaqaatit sukkulluunniit naammassineqarsimassapput.*

*Imm. 6. Uumasuuteqalernermermi attartortoq qaammatini pingasuni ineqarnermut akiliutip annertoqqataanik immikkut qularnaveeqquisiissaq. Attartortup uumasuuteqalernermermi qularnaveeqquisiussassaq attartortitsisumut aningaasanngorlugu akilissavaa. Uumasuutigineqartoq toquppat imaluunniit attartortoq allatut uumasuuteqarunnaarpat, attartortitsisoq illuutip attartorneqartup misissoerererani aalajangersinnaavoq, attartortup qularnaveeqquisiussaasa uninngatinnissaannut piumasaqaatit atuukkunnaassasut aammalu aningaasat tamakkiisumik ilaannaasumilluunniit utertillugit tunniullugit.*

*Imm. 7. Imm. 6-imi qularnaveeqquisiussatut akiliutigineqartut, ajoqsiinernut uumasuuteqarnermit pilersinneqartunut matussutissatut, attartortitsisup atorsinnaavai.*

## Kapitali 8

### *Attartortup attartukkamik atuisinnaaneranik piginnaatitaaffi*

**§ 51.** Namminersorlutik Oqartussat imaluunniit kommunet inissiataanni attartortittakkani attartortoq siumoortumik attartortitsisoq akuersiteqqaarlugu nammineq akilikaminik attartukkami atortulersuutinik nalinginnaasunik ikkussuinissamut pisinnaatitaavoq, tamatumani attartortitsisup illuutip innaallagissamut

kuuffinnullu atortuisa pisinnaasai atortulersuutinut naammanngitsut qularnaarsimanngippagu.

*Imm. 2. Attartortitsisoq piumasaqarsinnaavoq attartortoq inissiamit nuunnermini iluarseeqqissasoq imaluunniit atortulersuutit attartortitsisumit tiguneqassasut.*

*Imm. 3. Attartortitsisoq piumasaqarsinnaavoq attartortoq atortulersuusersuinerup iluarseqqinnissaanut sillimmatisatut naammaginartunik annertussusilinnik qularnaveeqqusiissasoq.*

**§ 52.** Namminersorlutik Oqartussat kommunellu inissiaataanni attartortittakkani attartortut kommunemi najukkamilu pilersaarutit ataqqillugit ataasiakkaarlutik imaluunniit ataatsimoorlutik illumi attartortitsisup innersuussineratigut radiop TV-llu aallakaatitaannik tigooqqaanissamut radiomut fjernsynimulluunniit antenniliisinnaatitaapput, taamaattorli tak. imm. 2. Taamatuttaaq attartortut illumi radiup TV-llu aallakaatitaannik isiginnaarnissamut kabelikkut attaviliisinnaatitaapput, najugaqarfimmi TV-mut kabelinut attaviliinissaq periarfissaqarpat.

*Imm. 2. Imm. 1 malillugu attartortut pisinnaatitaaffiat atuutissanngilaq, ikkussineq illumut najugaqartuinullu allanut akornutaassasoq attartortitsisup uppernarsarsinnaappagu. Kiisalu pisinnaatitaaneq atuutissanngilaq attartortitsisup ataatsimoorussamik TV-kkut isiginnaagassanik pilersuinera aqqutigalugu imaluunniit attartortut arlaata antenniliussaa ataatsimoorussaasinnaasoq aqqutigalugu attartortut kissaatigisaminnik isiginnaarsinnaappata.*

*Imm. 3. Attartortut illumi antenneliinnginneranni attartortitsisoq taamaaliornissamut allakkatigut akuersissuteqassaaq, attartortitsisullu tassunga atatillugu piumasarisinnaavaa attartortut allamut nuuttoqarnerani pissusaatut pilersitseqqissasut aamma attartortut atortut peerneqareerpata illumik pissusaatut pilersitseqqinnissamut qulakkeerutaasunik naammaginartunik qularnaveeqqutissanik akiliissasut.*

*Imm. 4. Immikkut imaluunniit ataatsimut antenniliussat, tak. imm. 1, ingerlanneqarnerat attartortitsisumit susassarineqanngilaq.*

**§ 53.** Namminersorlutik Oqartussat inissiaataanni attartortittakkami attartortoq attartortitsisoq siumut allakkatigut akuersissuteqarteqqaarlugu inunniq isumaginninnermi inatsisini aalajangersakkat malillugit iluaquersuutinik ikkussuisinnaatitaavoq. Attartortitsisup attartortoq attartukkaminik qimatsinermini inissiap pissusiatut pilersitseqqinnissaa aamma communalbestyrelsi inissiap pissusaatut pilersitseqqinnermut aningaasartuit akilerneqarnissaannut qularnaveeqqusiinissaa piumasaqaatigisinnaavaa. Attartortup attartortitsisoq iluaquersuutit ikkussuunneqannginneranni kingusinnerpaamik sapaatit akunnerinik arfinilinnik sioqqutsilluni ilisimatitsissuteqarfigissavaa.

**§ 54.** Namminersorlutik Oqartussat kommunelluunniit inissiaataanni attartortittakkami attartortoq ajoqusikanut, attartortut ataasiakkaat §§ 51 aamma 52 malillugit ikkussuussimasaannik pissuteqartunut taarsiinissamut akisussaavoq.

*Imm. 2. Attartortup taarsiisussaatitaanera iluarseeqqinnermi imaluunniit attartortitsisup atortulersuutinik tigusinerani atorunnaassaaq.*

**§ 55.** Namminersorlutik Oqartussat kommunelluunniit inissiaataanni attartortittakkami attartortoq attartortitsisumit siumut allaganngorlugu akuersisummik peqqaarluni inissiami silataanilu erseqqissumik aalajangikkanik pitsangorsaasinnaatitaavoq il.il., inissiamiillu nuunnermini aningaasartuitigisimasani

uppernarsaaserneqartut aningaasanngorlugit taarsertinnissaannut pisinnaatitaalluni, tak. §§ 56 aamma 57.

*Imm. 2.* Attartortoq attartortitsisumit akuerineqarani attartukkamik allanngortiterisimappat, attartortoq attartortitsisumut tamanna pillugu taarsiissuteqarnissamut akisussaatinneqassaaq.

**§ 56.** Ajunngitsorsiassat attartortup inissiamik qimatsinerani attartortitsisumit akilerneqassapput. Attartortitsisoq attartortup ajunngitsorsiassaanik attartortup attartortitsisumut pisussaaffiinit ilanngaassisinnaavoq. Ajunngitsorsiassat attartortup pitsangorsaaneraniit qaammatit 100-t ingerlaneranni assigiimmik annertussusilinnik agguakkamik nalikillartuaartinneqassapput.

*Imm. 2.* Attartortumik nutaamik inissiamut, attartortup siulliuup pitsangorsaavigisimasaanut il.il. nuuttoqartillugu, attartortitsup ajunngitsorsiassatut aningaasartutigisimasani matussutissiiviginiarlugit ineqarnermut akiliut qaffaassavaa. Akiliutip qaffaataa unitsinnejqassaaq nalikillisitsartuaarneq naammassippat, tak. imm. 1.

**§ 57.** Naalakkersuisut attartortup pitsangorsaavigisinnaasai suliarisinnaasaalu allat, naatsorsuisarneq ajunngitsorsiassanullu akiliisarneq pillugu sukumiinerusunik maleruagassiorsinnaapput.

*Imm. 2.* Attartortitsisoq §§ 51 aamma 55 naapertorlugit qinnuteqaatinik suliarinninnerminut sullissinermut akiliuteqartoqarnissaanik piumasaqarsinnaavoq. Naalakkersuisuniit sullissinermut akiliutip annertussusissaa aalajangerneqassaaq. Sullissinermut akiliutissaq qinnuteqaatip tunniunneqarnerani akilerneqassaaq.

## Kapitali 9

### Atuisinnaatitaanerup allamut nuunneqarnera

**§ 58.** Attartortup attartornissamik isumaqatigiissut maleruarsimaguniuk, attartortoq inigisaminik qimatsisimagallernermini inigisaminik qaammatit aqqaneq-marluk tikillugit allamut attartortitsigallarnissamut pisinnaatitaavoq. Allamut attartortisigallarneq qaammatinit pingasunit sivikinnerutinnejqarsinnaanngilaq. Attartortup inigisaminik allamut attartortitsigallarnera ukiut tallimat ingerlanerini taamaallaat katillugit qaammatini aqqaneq-marlunni pisinnaavoq, taamaattorli tak. imm. 2.

*Imm. 2.* Imm. 1-imi piffissamut killiliussaq apeqqutaatinnagu attartortup inigisaminik allamut attartortitsigallarnissaq qinnutigisinnaavaa, attartortup peqannginnissaa peqanngikkallarnerusimappat, aammalu nappaammik, ilinniagaqarnermik, pineqaatissinnejqarsimasunut inissiisarfimmieinnermik imaluunniit attartortoq nammineerluni imaluunniit inoquaasa ilaat nuukkallartitaaneranik tamanna pissuteqarpat. Allamut attartortisigallarneq qaammatinit pingasunit sivikinnerutinnejqarsinnaanngilaq.

*Imm. 3.* Attartortitsisup allamut attartortitsigallarnissaq akueriumanngissinnaavaa,  
1) inissiaq innersuunneqarsimappat, tak. § 5, imm. 1, nr. 7,  
2) inissiami ineqartussat katillutik ininit amerlanerusussaassappata, imaluunniit  
3) attartortitsisoq allamut attartortitsigallarnissamut akerliunissamut naammaginartunik pissutissaqarpat.

*Imm. 4.* Namminersorlutik Oqartussat kommuunillu inissiaataanni attartortittakkani najugaqartut inigisaminik allamut attartortitsigallarnissamut taarsiullugu pisinnaatitaapput, piffissap peqarfiginngisassamik naanerani inissiamut allamut innersuunneqarnissamut

qularnaveeqquisiivigineqarsinnaagunik attartornerminnik unitsitsinissamut, tak. § 5, imm. 1, nr. 3.

*Imm. 5.* Allamut attartortitsigallarnissap akuerineqarnissaanut piumasaqaataavoq, ineqarnermut akiligassap annerpaamik attartortup ineqarnermut, kiassarnermut, innaallagissamut, imermut il.il. aningaasartuutigisartagaasa amerlaqataannik annertussuseqarnissaa. Immikkut ittunik pissutissaqartillugu, soorlu peqtit attartorallarnermut ilaatinneqassappata akiliutissaq anginerutinneqarsinnaavoq. Attartorallakkamik attartorallartoq attartortitsisumut toqqaannartumik ineqarnermut akiliutissamik akiliisassaaq.

*Imm. 6.* Attartortoq pisinnaatitaavoq attartukkaminik utoqqisaasumik allamit attartorallartumit qularnaveeqquisiisummik akiliisitsissalluni, attartukkamik utaqqiisaasumik attartorallartinneqartup attartortup pisussaaffinut sillimmatissanik. Qularnaveeqquisiissut aamma inissiamik attartornermut siumoortumik akiliutit katillugit annerpaamik qaamatini arfinilinni attartornermut akiliutit amerlaqatigissavaat.

*Imm. 7.* Attartortitsisup attartukkamik attartorallarneq § 75-imni maleruagassat malillugit taamaatitsissinnaavaa.

*Imm. 8.* Naalakkersuisut attartukkamik attartortitsigallarneq ineqarnermullu qularnaveeqquisiissut pillugit maleruagassiorsinnaapput.

**§ 59.** Nammingersorlutik Oqartussat kommunelluunniit inissiaataanni attartortittakkani attartortut nammineq kissaatigalugu nuunnissamut allattuiffimmut allatsissinnaapput.

*Imm. 2.* Attartortut iniminnik paarlanteqatigiinnissartik namminneerlutik isumaqtigiissutigisimappassuk, tamanna nuunnissamik kissaateqartut allattorsimaffiannut allatsinngikkaluarluni pisinnaavoq.

*Imm. 3.* Attartortut iniminnik paarlanteqatigiinnissamut kissaateqartut tamarmik attartornermut isumaqtigiissutinik maleruaasimanissaat piumasaqaataavoq. Inigisanik paarlanteqatigiinnermi attartornermut ataatsimut 250 kr.-inik sullissinermut akiliisitsisoqartarpooq.

*Imm. 4.* Attartortut inigisaminnik paarlanteqatigiissinnaapput imaaliorlutik:

1) Isumaqtigiissuteqarlutik attartornermut isumaqtigiissutertik paarlallutik ingerlatiinnarumallugit. Inigisamik paarlanteqatigiinneq aatsaat pisinnaavoq, attartortut marluk tamarmik kingusinnerpaamik qaamatit 36-it paarlanteqatigiinnissamut qinnuteqaat sioqqullugu attartornermut isumaqtigiissuteqarsimagunik. Attartortut pisinnaatitaaffitik pisussaatitaaffitillu aammalu attartornissamik isumaqtigiissutitik paarlatisavaat. Attartortut qularnaveeqqutissatut akiligaat assiginngippata, tamanna attartortitsisumit susassarineqanngilaq. Attartortitsisup attartortut pisinnaatitaaffimminnik pisussaaffimminnilu paarlannerisa attartortut inatsisitigut inissisimanerinut sunniutissai pillugit ilitsersuutissavai.

2) Inissiat paarlanteqatigiinnermi nalinginnaasumik iluarsaaneeqarnissaat imaluunniit nalinginnaasumik iluarsaaneeqarsimanissaat isumaqtigiissutigalugu. Attartortitsisoq inissianik attartornermut peqqussut sukkulluunniit atuuttoq naapertorlugu attartornissamik isumaqtigiissut nutaaq sanassavaa. Attartortut allakkatigut uppernarsassavaat inissiamut iserternissamut atatillugu attartugassap nutaap nalinginnaasumik iluarsaaneeqarnissa namminneerlutik isumagissinnaallugu. Taamaattumik inissiat taakku nuunnerup nalaani §§ 77-imut aamma 78-mut tunngatillugu iserternerup nalaani nalinginnaasumik iluarsaaneeqarsimasutut isigineqassapput.

*Imm. 5.* Imm. 4, nr. 2 naapertorlugu inissianik paarlanteqatigiinnermi attartortitsisup attartortup

attartugassamini nutaami nammineerluni nalinginnaasumik iluarsaassinissamik kissaateqarnera itigartissinnaavaa, nalinginnaasumik iluarsaassinermit kingullermiit ukiut tallimat sinnerlugit qaangiussimappata.

*Imm. 6.* Imm. 4, nr. 2 naapertorlugu nalinginnaasumik iluarsaassinermut atatillugu inissiat paarlaateqatigiinnermi pineqartut nalinginnaasumik iluarsaassinerup nalaani inigineqarnerat pissutigalugu saniatigut aningaasartuuteqartoqassappat, saniatigut aningaasartuutit attartortumit qimatsisussamit akilerneqassapput.

*Imm. 7.* Atorfecarnermut atasumik inissianik attartortut attartortitsisoq akuersiteeqqaartinnagu inissianik paarlaasseqatigiissinnaanngilat.

*Imm. 8.* Namminerisamik kissaateqarluni nuussinnaaneq aamma inigisamik paarlaasseqatigiissinnaaneq pilligit Naalakkersuisut maleruagassanik erseqqinnerusunik aalajangersaasinnaapput.

**§ 60.** Attartortup toqunerani appaasoq, appaasutut nalunaarsorsimasoq imaluunniit inooqataasoq, maannamut atugassarititaasut naapertorluginnunut attartortunngornissamut pisinnaatitaaffeqarpoq. Inuk, attartortup appariinnermut assingusumik inooqatigisa inooqataasutut isigineqarpoq. Taamatuttaaq inuk, attartornermut isumaqatigiissummut atsioqataanngitsoq, kisiannili sivikinnerpaamik qaammatini arfinilinni attartortumut inoquaasutut najugaqateqartoq inuillu allattorsimaffianni nalunaarsorsimasoq pisinnaatitaaffeqarpoq, taamaattorli tak. § 63, imm. 3.

*Imm. 2.* Taamatuttaaq imm. 1 attartortup qitornaanut 18-it sinnerlugit ukiulinnut atuutissaq. Qitornaq illoqarfimmi allami ilinniakkaminik naammassinnereerluni imaluunniit unitsitsereerluni attartukkami najugaqartutut inuit allattorsimaffiannut nalunaarsorneqarpal, piffissaq ilinniarfiusoq imm. 1 naapertorlugu naatsorsuinermut ilangunneqassaaq. Qitornat angerlarsimaffimmi najugaqartut arlallit attartortunngornissamik kissaateqarpata, qitornaq, attartortup toqunissaa sioqqullugu sivisunerpaamik attartortumut inoquaasutut najugaqateqarsimmasoq inuillu allattorsimaffianni nalunaarsorsimasoq saliutinneqassaaq.

*Imm. 3.* Sulisunut inissiaq, attartortup pisortani sulisitsisuni atorfecarnera aqqutigalugu innersuunneqarsimmasoq tessani pineqarpal, attartortumut appaasoq, appaasutut nalunaarsorsimasoq, inooqataasoq inuillu allat imm. 1-imi taaneqartut attartornermut atugassarititaasut nalinginnaasut naapertorluginnunut innersuunneqarnissamut pisinnaatitaapput, taamaattorli tak. § 63, imm. 2-3. Attartortumut appaasup, appaatut nalunaarsorsimasup, inooqataasup, inuillu allat, imm. 1-imi taaneqartut namminneerlutik pisortani sulisitsisumi atorfecarnertik aqqutigalugu sulisunut inissiamut innersuunneqarnissamut pisinnaatitaaffeqannginnissaat piumasarineqarpoq.

*Imm. 4.* Attartortup ukioqqortussutsini imaluunniit napparsimanini pissutigalugu utoqqaat illuannut assigisaanulluunniit nuuppat, imm. 1-3-imi aalajangersakkat taamaaqataanik atuutissapput.

**§ 61.** Attartortup averusernerani avinneraniluunniit imaluunniit appariinneriinnerup atorunnaarsinneqarnerani appariinni arlaat attartornerup ingerlateqqinnissaanut pisinnaatitaassanersoq appariit isumaqatigiissutigisinnavaat. Appariit isumaqatigiissinnaanngippata appariinni arlaat attartornerup ingerlateqqinnissaanut pisinnaatitaassanersoq akuersissuteqarnikkut imaluunniit eqqartuussinermi aalajangiinikkut tamanna aalajangiiffigineqassaaq, taamaattorli tak. § 63, imm. 4.

*Imm. 2.* Attartortup appani qimappagu, appaasup attartorneq ingerlatiinnarsinnaavaa.

*Imm. 3.* Eqqartuussinermi aalajangiinikkut attartornermik ingerlatitseqqinnissamut pisinnaatitaaffik

aalajangiiffiqineqarpat, pingaartumik meeqqat suli inersimasutut oqartussaassuseqalersimangitsut immikkut pingaartillugit isiginiarneqassapput, averuserneq avinnerluunniit persuttaanermik imaluunniit timikkut allatigut nakuuserfigineqarsimanermik pinerluttulerinermut inatsimmi ilaatinneqartumik peqquqteqarnersoq isiginiarneqassalluni.

**§ 62.** Inuit sivikinnerpaamik ukiuni marlunni ataatsimut inoqutigiissimasut inooqatigiinnerminnik taamaatitsigunik, arlamik sorliup attartorneq ingerlatiinnarsinnaasaneraa isumaqatigiissutigisinnaavaat. Attartortitsisoq isumaqatigiissummut akerliusinnaavoq, attartortitsisoq taamaaliornissamut pingaarutilinnik pissutissaqaruni, taamaattorli tak. § 63, imm. 4.

*Imm. 2.* Pineqartut akornanni isumaqatigiittoqarsinnaanngippat, taakku arlaat inissiamik attartornerup ingerlateqqinnissaanut pisinnaatitaassanersoq eqqartuussinikkut aalajangiisoqassaaq. Eqqartuussinermi aalajangiinermi pingaartumik meeqqat suli inersimasutut oqaartussaassuseqalersimangitsut immikkut pingaartillugit isiginiarneqassapput, kiisalu amma averuserneq avinnerluunniit persuttaanermik imaluunniit timikkut allatigut nakuuserfigineqarsimanermik pinerluttulerinermut inatsimmi ilaatinneqartumik peqquqteqarnersoq isiginiarneqassalluni.

**§ 63.** Attartortup pisinnaatitaaffit, §§ 58-62 naapertorlugu attartortumut allanulluunniit pisinnaatitaaffiliunneqartut taamaatissinnaanngilai, taamaattorli tak. imm. 2-5.

*Imm. 2.* Inissiaq sulisunut inissiaappat atorfimmut aalajangersimasumut atugassanngortitaasoq § 60, imm. 4 -mi aalajangersakkat atutissanngillat. Tassunga taarsiullugu inissiamik allamik innersuussisoqarsinnaavoq, tak. § 5, imm. 1, nr. 4.

*Imm. 3.* § 60, imm. 1-4-mi aalajangersakkat inissianut innarluutilinnut inissiatut immikkut aaqqissukkanut atugassanngortinnejqarsimasunullu atuutiningillat. Tassunga taarsiullugu inissiamik allamik innersuussisoqarsinnaavoq, tak. § 5, imm. 1, nr. 5.

*Imm. 4.* Inissiaq atorfeqartitaanermut atatillugu atugassanngortitaasimappat imaluunniit innarluutilinnut inissiatut innersuussaasimappat, tamatumani pissutsit immikkut ittut pineqanngippata §§ 61-imi amma 62-mi aalajangersakkat atutissanngillat.

*Imm. 5.* §§ 58-imi amma 59-imi aalajangersakkat inissianut siunertanut aalajangersimasunut inniminnerneqarsimasunut, imaluunniit inissianut immikkut ittumik ilusilersugaasunut aammalu inissianut innarluutilinnut atugassanngortitaasunut atutissanngillat.

## Kapitali 10

### Attartornermik taamaatitsineq

**§ 64.** Attartortup inissiamik attartornermut isumaqatigiissummi § 69, imm. 2-mi siumut ilisimatitsinissamut piumasarisaasut malillugit attartornini atorunnaarsissinnaavaa. Taamaattorli attartortup aapparisani akuersiteeqqaarnagu ilaqtariit inigisaannik attartorneq imaluunniit appariit aapparisalluunniit suliffeqarfianut atatillugu attartorneq atorunnaarsissinnaanngilaa. Attartortup taamaatitsinera allakkatigut nalunaarutigineqassaaq.

**§ 65.** Sulisunut inissiamik attartorneq atorfeqarnerup unitsinneqarnerani atorunnaassaaq, tamatumunngalu atatillugu inissiaq qimanneqassalluni. Atorfilik pisussaavoq inissiaq allakkatigut

taamaatissallugu. Atorfillip akiligassat ingerlaavartut attartornermut attuumassutilit, taamaatitsinssamut piffissarititaasup nalinginnaasup naanissaata tungaanut akiligassarai, taamaattorli tak. § 70, imm. 3.

*Imm. 2. Sulisunut inissiaq attartugaq kingusinnerpaamik qimareersimaneqassaaq nalinginnaasumik taamaatitsinnisaamut nalunaarfissatut piffissarititaasupnaanginnerani.*

**§ 66. Attartortitsisup attartornerit imaattut allakkatigut atorunnaarsittassavai:**

- 1) Ineeqqat, attartortitsisup inigisaani inissiap ilaaniittut, imaluunniit ilaqtariinnut ataatsinut illuni illuniluunniit affarleriinni attartortitsisup najugarisaata ilaaniittut.
- 2) Illumi najugaqarfittut inissiat, piffissami atorunnaarsitsiviusumi najugaqarfittut inissiat marluinnaatillugit, appaanilu piginnittoq najugaqartillugu.

**§ 67. § 66-imi taaneqartut saniatigut attartornerni allani attartortitsisoq taamaallaat atorunnaarsitsisinhaavoq:**

- 1) Attartortitsisup attartortitamini nammineerluni najugaqlivinniarluni nalunaarutigippagu, imaluunniit attartortitsisoq pingaarutilinnik tunngaveqarluni attartornermik atorunnaarsitsinssamut immikkut pissutissaqartitsippat, aammal uatorunnaarsitsiniarluni nalunaaruteqarneq illuatungeriinnut tunngasut nalilerneqernerat aallaavigalugu naammaginartutut isigineqarsinnaappat.
- 2) Attartortitsisup illumik iluarsaassinissaq isaterinissarluunniit peqquaalluni attartorneqartoq qimanneqartariaqartoq upternarsarpagu.
- 3) Attartortoq illup ingerlanneqernerani suliaqartussatut atorfekartitaasimappat, inissiarlu attartortitseqqinermi atorfimmit taartaasumut atorneqassappat.
- 4) Attartortoq attartortitsisumit allakkatigut mianersoqqussutinik tunineqartalarualuarluni pissuserisassanik malinninngippat, imaluunniit pissusilersornera illumut ineqartunulluunniit allanut akornutaappat, pissutsilli imaanngippata attartortitsisup attartornermik isumaqatigiissut atorunnaarsisinhaallugu. Attartortoq allakkatigut mianersoqqussutinik inassutinilluunniit pingasunik qaammatit tulleriit aqqaneq marluk iluanni tigusimasussaavoq.

**§ 68. Namminersorlutik Oqartussat imaluunniit kommunep inissiamik attartukkamik nutarterinissaq isaterinissarluunniit pissutigalugu attartorneq atorunnaarsissappagu, tak. § 67, nr. 2, attartortoq inissiamik taartissamik innersuussivigneqassaaq, tak. § 5, imm. 1, nr. 1. Inissiamik taartissamik innersuussisussaatitaaneq taamaallaat atutissaaq, attartortup attartornermut isumaqatigiissummi Namminersorlutik Oqartussanit kommunemilluunniit attartornermik atorunnaarsitsinerup nalaani attartornissamik isumaqatigiissummik attartortoq eqqortitsisimappat.**

*Imm. 2. Attartortut iluarsaassinerup kingunerisaanik inissiamik taartissamik innersuussivigneqartut iluarsaassinerup naammassereerneratigut illuni iluarsanneqarsimasuni inissiamik innersuussivigneqarnissamut salliutinneqartussaatitaapput, attartortullu isaterinerup kingunerisaanik inissiamik taartissamik innersuussivigneqartut illunut isatikkanut taartissatut inissiaqarfimmis sananeqartunut inissiamik innersuussivigneqarnissamut salliutinneqartussaatitaallutik.*

*Imm. 3. Salliutinneqartussaatitaaneq taamaallaat atutissaaq attartortup inissiamik taartissatut innersuussivigneqartumi attartornermut isumaqatigiissut eqqortissimappagu, aammal uattartortup inissiamik innersuussivigneqarnissamut piumasaqaatit allat naammassisimappagit. Attartortitsisup pissutsit annertuumik pingaaruteqanngitsut, imaluunniit attartortumit piffissami iluarsaassinissaq*

isaterinissarluunniit pissutigalugit attartornermik attartorunnaarsitsinissamik nalunaaruteqarfip nalaani aaqqinnejqarsimasut pissutiginjarsinnaanngilai.

*Imm. 4.* Attartortup attartukkani qimassappagu, tak. imm. 1, attartortitsisup attartortoq taarsiissuteqarfigissavaa, inissiamut ataatsimut tunngaviusumik 1.200 kr.-inik amerlassuseqartunik, ininut najugaqarfiusunut tamanut immikkut 1.000 kr.-inik ilassusikkaniq. Attartortitsisup attartortoq iluarsaassinerup naammassinerani attartortup inigisaminut uterneranut atatillugu imaluunniit isaterinerup kingorna nutaamik sanaqqiinermi illuummut nutaamut attartulerneranut atatillugu taamatorpiaq taarsiissuteqarfigissavaa, tamatumunngali piumasaqaataavoq attartortup attartornissamik isumaqatigiissummik eqqortitsisimanissaq.

*Imm. 5.* Imm. 4-mut atatillugu aningaasartuutit illuummi iluarsaassinissamut isaterinissamulluunniit aningaasaliissutit aqqutigalugit akilerneqassapput.

**§ 69.** § 67 naapertorlugu attartortitsisup atorunnaarsitsiniarnera allakkatigut nalunaarutigineqassaaq, aammalu attartortup imm. 2 naapertorlugu akerliliissuteqarsinnaaneranut paassisutissanik imaqassalluni. Aammattaaq atorunnaarsitsissut atorunnaarsitsinermut tunngaviusoq pillugu paassisutissanik imaqassaaq.

*Imm. 2.* Attartortup atorunnaarsitsissut akueriumangikkuniuk, attartortoq atorunnaarsitsissutip tiguneraniit sapaatit akunneri arfinillit qaangiutsinnagut allakkatigut akerliliissuteqassaaq. Attartortitsisup atorunnaarsitsissut atuutsiinnarniarlugu kissaatiguniuk, attartortitsisoq sapaatit akunneri qaavatigut arfinillit qaangiutsinnagut eqqartuussivimmik suliassangortitsissaq. § 67, nr. 2 aamma 3 naapertorlugin Namminersorlutik Oqartussat kommunellu inissiaataanni attartortittakkani attartornermik atorunnaarsitsinermut akerliliissut kinguartitsigallarnermik kinguneqarsinnaanngilaq.

**§ 70.** Attartortitsisumit atorunnaarsitsisoqassaaq sivikinnerpaamik qaammatinik pingasunik siumut ilisimatitsereernikkut, qaammatip naanerani atuuttussanngorlugu, taamaattorli matumani ineqqanik attartortitsineq pineqarpat qaammammik ataasiinnarmik siumut ilimatitsinikkut atorunnaarsitsisoqarsinnaavoq, tak. § 66, nr. 1.

*Imm. 2.* Attartortup tungaaniit atorunnaarsitsiniarneq allakkatigut sivikinnerpaamik qaammammik ataatsimik siumut ilimatitsereernikkut, qaammatip naanerani atuuttussamik pissaaq. Taamaattorli inisiamik namminersortumit pigisamik attartortitsisup attartortullu isumaqatigiisutigisinnaavaat, attartortup tungaaniit atorunnaarsitsiniarneq allakkatigut sivikinnerpaamik qaammatinik pingasunik siumut ilisimatitsereernikkut, qaammatip naanerani atuuttussamik pissasoq. Piumasaqaat atuutissaguni attartornissamik isumaqatigiissummi immikkut ittumik erseqqissarneqassaaq.

*Imm. 3.* Attartortoq piffissaq ilisimatitsissutaasoq suli naanngitsoq inissiaait nuuppat, attartortitsisup attartukkap allamut attartorteqqinnissaa anguniassavaa. Attartortitsisup allamut attartortitsinermini isertitai isertitassaraluunniit attartortumut piumasaqaatigisaanit ilanngaatigineqassapput.

**§ 71.** Attartornermut isumaqatigiissut piffissamut aalajangersimasumut atuuttussanngortitaasimappat, piffissap attartornissamut isumaqatigiissuteqarfiusup naanerani siumut ilisimatitsinertaqanngitsumik attartorneq unitsinneqassaaq. Attartornermut isumaqatigiissut piffissamut aalajangersimasumut atuuttussanngortitaasoq piffissap attartorfiusup ingerlanerani atorunnaarsinneqarsinnaanngilaq, tamatumani attartornermut isumaqatigiissutip atorunnaarsinneqarsinnaanera allaganngorlugu

isumaqatigiissutigineqarsimanngippat.

*Imm. 2. Imm. 1-imi aalajangersarneqartut apeqqutaatinnagit attartortup attartornissamut isumaqatigiissut kapitali 11-mi aalajangersakkat malillugit atorunnaarsissinnaavaa, pissutsit attartortumut assuarliutigineqarsinnaasut annertuumik pingaaruteqarpata.*

*Imm. 3. Attartortup attartortitsisup ilisimasaanik attartornerup piffissamut aalajangersimasumut atuuttussanngortitaasup naareernerani attartukkani atuinnarpagu, attartorneq attartornermut nalinginnaasumut piffissamut aalajangigaanngitsumut ingerlaannartumik nuussaaq, inatsisitigut sunniutissai tassunga attuumassutillet atuutsilerlutittaqaq.*

**§ 72.** §§ 67 – 71-imi maleruagassat attartortumut ajoqtaasumik isumaqatigiissuteqarnikkut sanioqqunneqarsinnaanngillat.

## Kapitali 11

### *Attartortitsisup attartornermut isumaqatigiissummik atorunnaarsitsisinnaatitaaneranik pisinnaatitaaffik*

**§ 73.** Inissiani attartortittakkani pisortanit pigineqartuni attartortitsisup ineqarnermut, imermut, kiassarnermut imaluunniit qularnaveeqqutissamut akiliutissanut akiliinngitsoornerup kingunerisaanik attartornermut isumaqatigiissut atorunnaarsissava, tak. §§ 37, imm. 1, 38, imm. 1, aamma 74, imm. 1. Inissiani attartortittakkani namminersortunit pigineqartuni attartortitsisup peqqutitut taaneqartut tunngavigalugit attartornermut isumaqatigiissut atorunnaarsissinnaavaa.

*Imm. 2. Attartortitsisup attartornermut isumaqatigiissut atorunnaarsissinnaavaa:*

- 1) Inissiaq unioqqutitsisumik atorneqarpat, tak. § 48, imm. 2 aamma 3.
- 2) Inissiaq ikerinnaannakkut qimanneqarpat, tak. § 48, imm. 5.
- 3) Inatsisini piumasarineqartut unioqqutillugit attartortitsisoq inissiamut isernissaanut itigartinneqarpat, tak. § 49, imm. 1.
- 4) Illeqqorissaarnissamut maleruagassat unioqqutinneqarpata, tak. § 50.

*Imm. 3. Attartortitsisup aatsaat imm. 1 aamma 2 naapertorlugit attartorneq atorunnaarsissinnaavaapissutsit attartortumut assuarliutaasut annertuumik pingaaruteqarpata.*

*Imm. 4. Pissutsit imm. 1-imi aamma imm. 2-mi taaneqartut attartortitsisup tunngaviginiarsinnaanngilai, pissutsit attartortitsisup attartornermut isumaqatigiissummik atorunnaarsitsinnginnerani aaqqinneqarsimappata.*

*Imm. 5. Attartortitsisup pissutsit imm. 2-mi taaneqartut tunngavigalugit attartornermik atorunnaarsitsinnginnerani attartortitsisup attartortoq pissutsit aaqqeqquillugit peqqussavaa.*

*Imm. 6. Attartortoq attartukkaminit anisinneqarpat, attartortitsisup kommunimi inunnik isumaginnitoqarfik tamanna pillugu ilisimatissavaa. Ilisimatitsinermi attartortitsisup anisitsinermut nalunaarutip assilinera nassiutissavaa.*

**§ 74.** Pisortaniit attartortitsisup akiliinngitsoortoqartillugu attartornermik isumaqatigiissut atorunnaarsissaavaa, tak. § 73, imm. 1, tamanna pillugu piumasaaqtatip allakkatigut attartortumut takkunnerata kingorna attartortup kingusinnerpaamik ulluinnaat arfinillit qaangiunneranni akiligassanut kinguaattoorutini akilersimanngippagit, imaluunniit imm. 5 naapertorlugu piffissaliussaq naatinnagu attartortoq akilersuinissamik isumaqatigiissuteqarsimanngippat. Tamannattaaq akilersukkanut akiliutissat

akiliinngitsoorneranni atuutissaaq. Attartortitsisup akileeqqusissutaa ullup piffissaq eqqorlugu akiliiffissap kingulliup kinguninngua tunniunneqassaaq, tassanilu paatsuugassaanngitsumik allassimassaaq, attartornermut akiliutissanut kinguaattoorutit piffissaliussap naannginnerani akilerneqanngippata attartortitsineq atorunnaarsinneqassasoq.

*Imm. 2.* Allakkatigut akileeqqusissutip attartortumut takkunnerata kingorna kingusinnerpaamik ulluinnaat pingasut qaangiunnerini akiitsuni akilinngitsuukkani iluarsiiffigisimanngippagut, attartortitsisup namminersortup § 73, imm. 1 naapertorlugu kingusinaartumik akiliinerup kingunerisaanik attartornermut isumaqtigiissut atorunnaarsissinnaavaa. Attartortitsisup akileeqqusissutaa ullup piffissaq eqqorlugu akiliiffissap kingulliup kingunitsianngua tunniunneqassaaq, tassanilu paatsuugassaanngitsumik allassimassaaq, attartornermut akiliutissanut kinguaattoorutit piffissaliussap naannginnerani akilerneqanngippata attartortitsineq atorunnaarsinneqassasoq.

*Imm. 3.* Pisortat attartortitsisut akileeqqusissutip suliarineqarneranut akitsuutitut annerpaamik 150 koruuninik akileeqqusisinnapput.

*Imm. 4.* Pisortanit attartortitsisup attartornermut isumaqtigiissut atorunnaarsissimappagu, attartortitsisoq atorunnaarsitsinermik atortussajunnaarsitsinerminut annerpaamik 150 koruuninik akileeqqusisinnavoq.

*Imm. 5.* Attartortoq ineqarnermut, imermut kiassarnermulluunniit akilinngitsuukkaminik akiitsoqartoq akilersuinissamut nammineq piumassutsiminik pisortanut attartortitsisunut isumaqtigiissuteqarsinnaatitaavoq, taannalu qaammatit sisamat sinnerlugit sivisussuseqartinneqarsinnanngilaq. Akilersuinissamut isumaqtigiissuteqarnissamut piumasaqaatit makkua naammassineqarsimassapput:

1) Attartortup pisortat attartortitsisut akilersuinissamik isumaqtigiissuteqarnissamik qinnuigissavai, allakkatigut akileeqqusissutip attartortumut apuutereernerata kingorna kingusinnerpaamik ulluinnaat arfinillit qaangiutsinnagit.

2) Attartortoq akilersuinissap isumaqtigiissutigineqarneranut akitsuummik 250 koruuninik akiliuteqassaaq aammalu qaammatit akilersuffusut ingerlaneranni qaammatit tamaasa 50 koruunimik akiliuteqartassalluni.

3) Akilinngitsuukkat attartortup qaammatini 1-iniit 4-inut akilersussavai.

*Imm. 6.* Attartortut uku akilersuinissamut pisinnaatitaaffeqassangillat:

1) Ukiut pingasut kingulliit iluanni attartorfigisimasaminni ineqarnermut aningaasartuutinut akilersukkanullu ingerlaavartunut akiliinngitsoortarnermikkut sumiginnaasimasut.

2) Akilersukkanik ingerlatserersut.

3) Pisortanit ikiorserneqarnissamut pisinnaatitaaffeqartut, tassunga pisortanit ikorsiisssutit pillugit Inatsisartut peqqussutaat nr. 15, 20. november 2006-imeersoq tunngavigineqartunut ilaalluni.

4) Aningaasaqarnikkut akisussaassuseqanngitsumik iliuuseqarnerup kingunerisaanik imaluunniit allatut nammineq pisuussutigisamik akilerneqanngitsunik akiitsoqalersimasut.

*Imm. 7.* Pisortat attartortitsisut najugaqtigiiffinni pigisaminni tamani attartortitsinermi annasanut akilersukkanullu annasanut ataatsimut nalimmassaanissamik, naatsorsuutinut tunngasumik naatsorsuutini immikkoortuni kontomik ataatsimoorussamik ammaalluni pilersitsissapput, kontomullu tassunga najugaqarfuit ataasiakkaat ukiumut annasassaattut missingersuusiarineqartut, inigisap annertussusaani kvadratmeterimut ukiumut 25 koruuninit ikinnerusinnaanngitsut

illuartinneqartassapput. Annaasaqaatit konto naatsorsuutinut tunngasoq, ukiumoortumik naatsorsuusiorneqartartussaq, aqqutigalugu akilerneqartassapput.

**§ 75.** Attartortitsisup attartortitsineq erngerluni atuutilersussamik atorunnaarsissinnaavaa, attartortoq illumut, attartortitsisumut, taassuma atorfegartitaannut, illumi attartortunut allanut inatsisit malillugit eqortumik illumiittunut annertuumik ajoqtaasumik pissusilersorpat, taamatuttaaq:

- 1) Attartortoq inunnut pineqartunut nakuuserpat imaluunniit persuttaanissamik siorasaarippat.
- 2) Attartortup pissusilersornera illumut imaluunniit inunnut pineqartunut ulorianartorsiortitsisinnaappat, matumani ilanggullugit sakkunik atuisimappat imaluunniit attartorneqartumi atortunik ulorianartunik uninggaatitaqarpat.

*Imm. 2.* Attartortitsineq atorunnaarsinnejarsinnaavoq, tamatumani pissusilersornerit imm. 1-imi taaneqartut attartortumit nammiermit, attartortup inoqtaanit allanilluunniit attartortup attartukkamut isersinnaatitaanit piliarineqarnersut apeqqutaatinnagu, tak. § 58.

**§ 76.** Pissutsit §§ 73-imi aamma 75-imi taaneqartut píssutaallutik attartorneq atorunnaarsinnejarsarpat, attartortoq pisussaavoq erngerluni attartukkaminit anissalluni, aammalu ineqarnermut akiliut, aammalu attartortup inissiamit nuunnissaanut siumut nalunaarfissap nalinginnaasup naanissaata tungaanut attartukkamut akiligassat allat akilissallugit. Kiisalu attartortoq pisussaavoq sumiginnaanerup kingunerisaanik attartortitsisup annaasai taarsissallugit, matumani ilanggullugit attartukkamit anisitsinermut aningaasartuutit.

*Imm. 2.* Attartortitsisup attartukkap allamut attartorteqqinnissaa anguniassavaa. Attartortitsisup allamut attartortitsinermini isertitai piffissamiluunniit imm. 1-imi taaneqartumi isertitassaralui attartortumut piumasaqaatigisaanit ilanngaatigineqassapput.

*Imm. 3.* Naalakkersuisut Namminersorlutik Oqartussat kommunellu inissiaataanni attartortittakkani attartornermik atorunnaarsitsisarneq pillugu maleruagassiussapput.

## Kapitali 12

### Attartortup inigisaq qimallugu nuunnera

**§ 77.** Inissiamit anisoqarnerani inissiaq nalinginnaasumik iluarsanneqassaaq, tassanilu pineqarput qilaavinik qaorsarlugit qalipaaneq, iiganik qalipaaneq aamma/imaluunniit ungalitsersuineq kiisalu eqquiaaneq. Natii nutaamik lakkersimasutut isikkoqassapput, taamaattorli tak. imm. 3.

*Imm. 2.* Attartortup nammineerluni nuunnerminut atatillugu nalinginnaasumik iluarsaassinissani kissaatigippagu, iluarsaassineq assassinermik ilinniagaqarsimasutut illorsorneqarsinnaasumik pitsaassuseqartillugu suliarineqassaaq. Attartornermik unitsitsinissaq imaluunniit atorunnaarsitsinissaq naapertorlugu inissiap qimanneqarnissaa, inissiap takuniarneqarnissaa sioqqullugu suliaq naammassereersimassaqq, tak. § 79.

*Imm. 3.* Attartortup inissiamut iserternerani inissiaq nalinginnaasumik iluarsanneqarsimannngippat, attartortup inissiaq iserternermini pissuserisaatut itsillugu tunniutissavaa.

*Imm. 4.* Attartortitsisup imm. 1-imi aamma 2-mi aalajangersakkat sanioqqussinnaavai, attartornerup atorunnaarnerata nutaamillu aallartitsinerup kingorna inissiap iluarsanneqarnissaa annertuunik ajornartorsiuititaqarpat. Attartornerup atorunnaarnerani tamatumunnga taarsiullugu attartortoq

inissiamik attartornerup nalaani nungullarnernut naleqquttumik annertussusilinnik akiliuteqassaaq. Akiliutissaq qaammammut ataatsimut inimut ataatsimut 50 kr.-inik annertussuseqarpoq. Attartortitsup nalinginnaasumik iluarsaassinermut aningaasartuutit attartortup inissiamik tigusineranit qaammatit 100-t ingerlanerini tigujartuaassavai.

*Imm. 5. Naalakkersuisut inissiamit aninermi nalinginnaasumik iluarsaassisarneq aamma attartortup tamatumunnga atatillugu aningaasartuutigisaanut ajunngitsorsiassaqtarneq pillugu maleruagassiorsinnaapput.*

**§ 78.** Attartortitsup § 77 malillugu nalinginnaasumik iluarsaassinermut aningaasartuutit attartortup inissiamik tigusineranit qaammatit 100-t ingerlanerini tigujartuaassavai. Piffissaliussatut aalajangiunneqartup naannginnerani inissiamit anisoqarnerani attartortup taamaallaat aningaasat piffissami tassani attartortitsinerup atorunnaarfingisaani attartortitsisumit akilerneqartussanngorsimanngitsut akilissavai.

**§ 79.** Attartortsineq atorunnaarsinneqartussanngorsimappat imaluunniit inissiaq allamik pissuteqartumik qimanneqartussanngorsimappat attartortitsup attartortullu piffissaq qimatsivissaq inissiamillu misissuisoqarnissaa allaganngorlugu isumaqatigiissutigissavaat. Attartortoq immikkut ilisimasalimmik ilaqluni misissuinermut peqataanissamut pisinnaatitaavoq. Attartortitsup sivikinnerpaamik ullunik arfineq-marlunnik siumut ilisimatitsinermigut attartortoq misissuinermut peqataaqqullugu noqqaaffigissavaa.

*Imm. 2. Misissuinermi attartortitsisoq misissuisimanermut nalunaarusiusaaq, tassanilu amigaataasinnaasut paarinerlutallu attartortitsup isumaa malillugu attartortup akisussaaffigisassai allassimassapput. Attartortoq taakkununnga isumaqataanngippat, tamanna attartortup isumai taallugit nalunaarusiami allanneqassapput. Nalunaarusiaq misissuinermut atatillugu illuatungeriinnit atsiorneqassaaq. Attartortoq taannaluunniit sinnerlugu takkuttoq misissuinermut nalunaarusiap assinganik tunineqassaaq. Tamatuma kingorna attartortup tamanna piumasarippagu, pissutissaqanngitsumik uninnganertaqanngitsumik suliassat attartortitsup isumaa malillugu attartortumit akilerneqartussanut suliassat qanoq akeqarnissaanik missingersummik allakkatigut nalunaarfingineqassaaq.*

*Imm. 3. Attartortup inissiamik qimatsinissani kingusinnerpaamik ullunik arfineq-pingasunik sioqqullugu najugaq nalunaarutit nassiunneqartarfissaat nalunaarutigissavaa.*

**§ 80.** Attartortoq taassumuunniit piginnaatitaa misissuinermut takkutinngippat, attartortitsisoq pisinnaatitaavoq nalunaarusiaq tunngavigissallugu attartortullu qularnaveeqqusiiissutaasa nalinginnaasumik iluarsaassinermut aningaasartuutissanut, tak. §§ 77, imm. 2 aamma 78, matussutigineqarnissannut aamma attartornermik isumaqatigiissut naapertorlugu attartortup pisussaaffiinut matussutigineqarnissannut atussallugit.

*Imm. 2. Attartortitsisup amigaatit misissuinermut nalaanni pissusissaatut malugineqarsinnaasimagaluit piumasaqaatigisinnaanngilai, tamatumani attartortoq peqquserlulluni iliuuseqarsimanngippat.*

*Imm. 3. Attartortitsisoq inissiami qimanneqartumi paarsinerluttoqarsimaneranik aserorterisoqarsimaneranilluunniit uparuaasimappat, pissutsit annertussusiilu immikkoortillugit uppernarsaaserneqassapput.*

## Kapitali 13

### Nakkutilliineq

**§ 81.** Namminersorlutik Oqartussat kommuneluunniit inissianik allaffissornikkut aqutsisussamik avataaniit pissarsisimappat, Naalakkersuisut imaluunniit Kommunalbestyrelsep nakkutigissavaa, inissianik allaffissornikkut aqutsisup suliani Inatsisartut peqqussutaat manna aamma aalajangersakkat peqqussut manna naapertorlugu suliarineqartut naapertorlugit suliarinerai.

*Imm. 2.* Kommune nammineerluni inissiaatiminik allaffissornikkut aqutsinermik isumaginnittuuguni, kommunep suliani Inatsisartut peqqussutaat manna aamma aalajangersakkat peqqussut manna naapertorlugu suliarineqartut naapertorlugit isumagissavai.

*Imm. 3.* Namminersorlutik Oqartussat kommuneluunniit aningaasatigut nakkutilliisussaatitaanini, tak. imm. 1, naammassiniarlugu inissianik allaffissornikkut aqutsisup kukkunersiusua inissianik allaffissornikkut aqutsisup suliani Inatsisartut peqqussutaat manna aamma aalajangersakkat peqqussut manna naapertorlugu suliarineqartut naapertorlugit suliarinerai nalunaarusiortissinnaavaa.

*Imm. 4.* Kommunep inissiaatiminik nammineq allaffissornikkut aqutsisup ukumoortumik suliassat Inatsisartut peqqussutaat manna aamma aalajangersakkat peqqussut manna naapertorlugu suliarineqartut naapertorlugit isumagineqarnerat pillugu kukkunersiusuni ukumoortumik nalunaarusiortittassavaa.

*Imm. 5.* Namminersorlutik Oqartussat imaluunniip kommunip imm. 1 naapertorlugu nakkutilliinera ilaatigut aningaasatigut ingerlatsinermik nakkutilliinermut ilaatigullu avataaniit aqutsisup allaffisornermi suliassaanik allanik nakkutilliinermut tunngasuuvvoq.

*Imm. 6.* Naalakkersuisut Namminersorlutik Oqartussat kommunellu inissiaataat attartortittakkat najugaqatigiiffillu nakkutigineqarnerat, matumani ilanngullugit inissianik piginnittup imaluunniit aqutsisup aningaasaatinik aqutsinera, missingersuusiortarnera, naatsorsuutinik saqqummiisarnera kukkunersiusoqarneralu, pillugu maleruagassiorsinnaapput.

## Kapitali 14

### Ineqarneq pillugu maalaaruteqartarfik

**§ 82.** Inissiani attartortittakkani attartortup attartortitsisullu akornanni aaqqiagiinngissutaasut suliarineqartarnissaannut Naalakkersuisut Ineqarneq pillugu Maalaaruteqartarfimmik, siulittaasoqartumik kiisalu pingasunik ilaasortaqaqtumik pilersitsisinnaapput.

*Imm. 2.* Siulittaasoq taassumalu sinniisissaa Naalakkersuisunit toqqarneqassapput. Siulittaasoq taassumalu sinniisissaa inatsisilerituutut kandidatitut soraarummeersimassapput, aammalu ineqarnermi pissutsinut immikkut ilisimasaqassallutik. Maalaaruteqartarfimmut ilaasortaq ataaseq taassumalu sinniisissaa INI A/S-p innersuussuteqarneratigut Naalakkersuisunit toqqarneqassapput. Maalaaruteqartarfimmut ilaasortaq ataaseq taassumalu sinniisissaa ineqartut Peqatigiiffisa Kattuffiata IPK-p inassuteqarneratigut Naalakkersuisunit toqqarneqassallutik, taamaattorli takuuk imm. 6. Maalaaruteqartarfimmut ilaasortat pingasut nalinginnaasut taakkulu sinniisissaat ineqarneq pillugu sorianut tunngasunik ilisimasaqassapput.

*Imm. 3. Siulittaasumik, ilaasortanik sinniisissanillu toqqaaneq ukiut sisamat tikillugit atuuttassaaq.*

*Imm. 4. Siulittaasoq sinniisissaaluunniit piginnittut kattuffiannut, inissiaatileqatigiit kattuffiannut imaluunniit attartortut kattuffiannut immikkut attuumassuteqartuussangilaq, imaluunniit inuussutissarsiutigalugu illuutinik nioqquteqarnermut akuliussimasuussananani.*

*Imm. 5. Maalaaruteqartarfimmur ilaasortaq sinniisussaaluuunniit pissusissamisoortumik aggersarneqareernermini maalaaruteqartarfimmur aggernissamut pisussaatitaavoq. Naalakkersuisut ineqaneq pillugu maalaaruteqartarfimmi ataatsimiinnissamut takkutinngitsornerup kingunerisassai pillugit sukumiinerusunik maleruagassiorsinnaapput.*

*Imm. 6. IPK maalaaruteqartarfimmur ilaasortassamik toqqaanngippat, maalaaruteqartarfimmur ilaasortassamik innersuassisinnaatitaaneq suliniaqatigiiffinnut ukununnga, taaneqartut tulleriaarneri malillugit tutsinneqassaaq: SIK, IMAK aamma PPK.*

**§ 82 a. Ineqarneq pillugu Maalaaruteqartarfiup aaqqiagiinngissutit attartornissamut isumaqatigiissutinit makkuningga pisut suliarisinnaavai:**

- 1) Inissianik attartortittakkanik Namminersorlutik Oqartussanit imaluunniit kommunimit pigineqartunik attartortumut najugaqarfissatut attartortitsinissaq pillugu isumaqatigiissut.
- 2) Attartortitsinissamut isumaqatigiissuteqareernerup kingorna inissiaq attartortittagaq allamut tunniunneqarsimappat, inissianik attartortittakkanik isumaqatigiissuteqarnerup nalaani Namminersorlutik Oqartussanit imaluunniit kommunimit pigineqartunik attartortumut najugaqarfissatut attartortitsinissaq pillugu isumaqatigiissut.
- 3) Inissianik attartortittakkanik, Namminersorlutik Oqartussanit imaluunniit kommunimit attartorneqartunik, tamatumalu kingorna attartortumut attartorteqqinnejqartunik, attartortumut najugaqarfissatut attartortitsineq pillugu isumaqatigiissut.
- 4) Inissianik attartortittakkanik, inissiaatileqatigiiffimmit, Namminersorlutik Oqartussanit imaluunniit kommunimit aalajangiiffigineqarlutik sunniuteqarfingeqartartumit attartorneqartunik, tamatumalu kingorna attartortumut attartorteqqinnejqartumik, attartortumut najugaqarfissatut attartortitsinissaq pillugu isumaqatigiissut.
- 5) Inissianik attartortittakkanik inissiaatileqatigiiffimmit, Namminersorlutik Oqartussanit imaluunniit kommunimit aalajangiiffigineqarlutik sunniuteqarfingeqartartumit pigineqartunik, attartortumut najugaqarfissatut attartortitsinissaq pillugu isumaqatigiissut.

**§ 83. Naalakkersuisut maalaaruteqartarfiup atortussatut pisariaqartitaannik atugassiissapput, aammalu pisariaqartitsinikkut allaffeqarfimmuit ikiorneqarnissaat isumagissallugu.**

*Imm. 2. Maalaaruteqartarfiup sulineranut aningaasartuutit Naalakkersuisunit akilerneqartassapput, matumanilanganngullugit siulittaasup ilaasortallu suliaminnut atatillugu akiliussigallarnerannut, tak. imm. 5, kiisalu allaffisornermut il.il. aningaasartuutit. Ineqarneq pillugu maalaaruteqartarfimmi ilaasortat Inatsisartunut, Naalakkersuisunut il.il. ilaasortat akissarsiaqartitaanerat pillugu Inatsisartut inatsisaanni maleruagassat naapertorlugit akissarsiaqartinneqassapput, ullormusiaqartinneqarlutik angalanermilu aningaasartuutinut ajunngitsorsiassaqartinneqassallutik. Aningaasartuutit taakku ukiumoortumik Nunap Karsianit tapiissutigineqartut iluanniit akilerneqartassapput.*

*Imm. 3. Maalaaruteqartarfik oqarasuaatit atorlugit ataatsimiissinnaavoq, maalaaruteqartarfimmi ilaasortat tamarmik illoqarfimmu, maalaaruteqartarfiup allattoqarfeqarfingisaani najugaqanngippata.*

*Imm. 4.* Ineqarneq pillugu maalaaruteqartarfik ukiumoortumik nalunaarummik saqqummiussisassaaq, ilaatigut suliassat takkuttut suliallu naammassineqartut pillugit kisitsisitigut takussutissanik, kiisalu aalajangiisarnerit ataasiakkaat inernerinik naatsunngorlugit saqqummiunneqarnerinik imaqtartunik.

*Imm. 5.* Aningasartuutinut imm. 2-mi taaneqartunut matussutissatut, Naalakkersuisut attartortitsisoq peqqusinnaavaat ukiumoortumik ineqarnermut akiliutit aqqutigalugit akiliutissat attartortunut ataasiakkaanut akilerseqqullugit akileqqullugillu. Attartortitsisup akiliutissat ukumi akiliiffiusussami kingusinnerpaamik januarip ulluissa 31-anni Naalakkersuisunut akilissavai. Akiliutissaq piffissaq eqqorlugu akilerneqangippat, Naalakkersuisut missingiillutik pisassanik attartortitsisumut ilanngaateqarsinnaapput. Akiliutissaq ukiumoortumik Inatsisartut aningaasanut inatsisaannut oqaasertaliinikkut annertussusilerneqartassaaq.

*Imm. 6.* Naalakkersuisut maalaaruteqartarfiup suliai, matumani ilanngullugit ataatsimiittarnerit akuttussusissaat suleriaasissarlu pillugit sukumiinerusunik maleruagassiorsinnaapput.

**§ 84.** Ineqarneq pillugu Maalaaruteqartarfiup maalaarutit makkununnga tunngasut attartortunit suliakkiissutigineqartut suliarisarpai, takuuk § 82 a, nr. 1-4:

- 1) Ineqarnermut akiliutinik qaffaanissamik siuumoortumik ilisimatitsisarnermi piumasarit, takuuk § 28, imm. 2.
- 2) Aserfallatsaaliuineq iluarsaassinerlu, takuuk § 45.
- 3) Inissiap iserterfigineqarnerani qanoq issusia, takuuk § 47.
- 4) Attartukkami atortut ikkussukkat pitsangorsaanerillu (atuisinnaatitaaneq), takuuk §§ 51 aamma 55.
- 5) Attartortup attartukkaminik atuinera (peqqissaarnissamik malittarisassanik unioqqutitsinerit), takuuk § 50.
- 6) Atuisinnaatitaanerup allanut tunniunneqarnera (inissianik paarlaaseqatigiinneq, attartukkamik allamut attartortitsineq aamma attartornermik nangitsineq), takuuk §§ 58-62.
- 7) Inissiamit aninermi inissiap qanoq issusia (iluarsaassineq nalinginnaasoq), takuuk § 77.

**§ 84 a.** Ineqarneq pillugu Maalaaruteqartarfiup maalaarutit makkununnga tunngasut attartortunit suliakkiissutigineqartut suliarisarpai, takuuk § 82 a, nr. 5:

- 1) Ineqarnermut akiliutinik qaffaanissamik siuumoortumik ilisimatitsisarnermi piumasarit, takuuk § 33, imm. 5.
- 2) Aserfallatsaaliuineq iluarsaassinerlu, takuuk § 46.
- 3) Inissiap iserterfigineqarnerani qanoq issusia, takuuk § 47.
- 4) Attartortup attartukkaminik atuinera (peqqissaarnissamik malittarisassanik unioqqutitsinerit), takuuk § 50.
- 5) Atuisinnaatitaanerup allanut tunniunneqarnera (attartukkamik allamut attartortitsineq aamma attartornermik nangitsineq), takuuk § 58, imm. 1-3 aamma §§ 60-62.
- 6) Inissiamit aninermi inissiap qanoq issusia (iluarsaassineq nalinginnaasoq), takuuk § 77.

**§ 84 b.** Maalaarutit Ineqarneq pillugu Maalaaruteqartarfimmuit allaganngorlugit tunniunneqartassapput, aammalu maalaaruteqartup maalaaruteqartarfiup sumik isummerfigisaqarnissaanut kissaataanik erseqqissaassummik imaqassalluni. Maalaarut maalaaruteqarnermi suliap attartortitsisumit naammassineqarneraniit kingusinnerpaamik sapaatit akunnerisa sisamat qaangiunnerini Ineqarneq pillugu

Maalaaruteqartarfimmut nassiunneqassaaq. Pissutsinut attartortup suliaritikkusutaanut uppernarsaatissat pisariaqartut maalaarummut ilangunneqassapput.

*Imm. 2. Maalaarutip Ineqarneq pillugu Maalaaruteqartarfimmi suliarineqarnissaanut attartortoq annerpaamik 500 koruuninik sullissinermut akilummik akiliisaaq. Maalaarutigineqartoq pillugu attartortoq tapersernejqarpal imaluunniit suliaq Ineqarneq pillugu Maalaaruteqartarfimmi suliarineqarnissaminut naleqqutinngitsutut itigartinneqarpal, maalaaruteqarnermut akiliut utertillugu akilerneqassaaq.*

*Imm. 3. Attartortup suliaq eqqartuussivinnut suliakkiissutigineqareersoq Ineqarneq pillugu Maalaaruteqartarfimmut suliakkiissutigineqarnissa kissaatigippagu, maalaaruteqartarfiup maalaarutip pissusiviusut tunngavigalugit suliarineqarnissa itigartissavaa.*

*Imm. 4. Pissutsit imm. 1-im taaneqartut pillugit maalaarutit Ineqarneq pillugu Maalaaruteqartarfiup saniatigut allaffissornikkut oqartussamut allamut suliakkiissutigineqarsinnaanngillat.*

**§ 85.** Ineqarneq pillugu Maalaaruteqartarfiup maalaarutip, maalaaruteqartarfimmi suliarineqarnissamut naleqqutinngitsutut nalilerneqarpal imaluunniit maalaarnissamut piffissarititaasup qaangiutereernerani tiguneqarsimappat suliarinissa itigartissavaa. Maalaarutit, suliap isumannaatsumik paassisutissiiviginissaanut suliamut ilisimasalimmit misissorneqarnissa naliliiffigineqarnissaalu, imaluunniit suliamut attuumassuteqartut takunnittullu nassuaanissaat pisariaqarsimappata, Ineqarneq pillugu Maalaaruteqartarfiup itigartissavai.

*Imm. 2. Maalaaruteqartarfiup maalaarut attartortup tapersernejqarnissaanik ilimanaateqanngitsutut isigisariaqartoq suliariumanngissinnaavaa.*

*Imm. 3. Maalaaruteqartarfiup allattoqarfik imm. 1-im 2-milu aalajangigassanik taaneqartunik aalajangiinissamut pisinnaatissinnaavaa.*

*Imm. 4. Ineqarneq pillugu maalaaruteqartarfiup allattoqarfiata aamma siulittaasup maalaaruteqartarfiup tullianik ataatsimiinnissami suliassat piareersassavaat. Siulittaasoq aalajangiisinnaavoq suliassaq aalajangersimasoq misissorneqassasoq imaluunniit erseqqinnerusumik qulaajaaffigineqassasoq suliassap qanoq inernilerneqarnissa pillugu inassuteqaammik suliaqarnermut atasumik. Tassunga atatillugu siulittaasup piumasarisinnaavaa suliami ilaasut illuatungeriit, pisortat aamma namminersortut paassisutissanik tunniussissasut.*

*Imm. 5. Suliap suliarisassanngortinneqarluni ilangunneqarneraniit kingusinnerpaamik sapaatit akunnerisa marluk qaangiunnerini maalaaruteqartarfiup allattoqarfiata suliami illuatungiliuttoq suliakkiissuteqarneq pillugu ilisimatissavaa, tassanilu nalunaarutip nassiunneraniit sapaatit akunneri pingasut qaangiutsinnagit illuatungiliuttup suliamut isummaminik saqqummiussisinnaanera allanneqassaaq. Piffissamik killissarititaasoq tamanna maalaaruteqartarfiup sivitsorsinnaavaa, tamatumani immikkut ittunik pissutissaqartoqarpal.*

*Imm. 6. Allattoqarfik siulittaasup suliami pineqarlutik ilaasunut allanulluunniit apeqqutigisaanut akissuteqarnissamut piffissamik killiliissaaq, tamatumanilu nalinginnaasumik sapaatit akunneri pingasut qaangerneqarsinnaanngillat. Nalunaarutip nassiunneraniit piffissamut killissarititaasoq tamanna maalaaruteqartarfiup sivitsorsinnaavaa, tamatumani immikkut ittunik pissutissaqartoqarpal.*

*Imm. 7. Siulittaasup maalaaruteqartarfiup allattoqarfia noqqaaffigisinnaavaa inissiaq maalaarutigineqartoq suliamut attuumassuteqanngitsunit takuniarlugu misissorteqqullugu. Suliami pineqarlutik ilaasut sivikinnerpaamik sapaatip akunnera ataaseq sioqqullugu aggersarneqassapput.*

Takuniaalluni misissuinermut aningaaasartuutit Naalakkersuisunit akilerneqassapput.

*Imm. 8. Suliami pineqarlutik ilaasut takkunnerminni maalaaruteqartarfimmumt nassuaateqarsinnaanngillat.*

**§ 86.** Misissuinerit § 85, imm. 4-mi taaneqartut naammassineriniit kingusinnerpaamik sapaatit akunnerisa sisamat qaangiunnerini maalaaruteqartarfiup allattoqarfia suliap inassutitalimmik saqqummiunneqarnissaanut siunnersuusussaaq, taannalu siulittaasumit saqqummiunneqassaaq. Siulittaasup inassutigineqartoq akuerippagu, siulittaasup inassutigineqartoq maalaaruteqartarfimmumt saqqummiutissavaa.

*Imm. 2. § 85, imm. 6 naapertorlugu akissuteqartoqarani piffissamut killiliussaq naappat, maalaaruteqartarfiup akissuteqannginnej illuatungiliuttumut pitsaanerpaamik sunniuteqartussatut nassuiarsinnaavaa, pingaartumillu taassuma saqqummiussaa aalajangiinermut tunngavigisinnaallugu.*

*Imm. 3. Ineqarneq pillugu maalaaruteqartarfiup aalajangigai nalinginnaasumik amerlanerussuteqarnikkut aalajangiiffigineqassapput. Taasisut amerlaqatigiippata siulittaasup taasinera aalajangiisussaaq.*

*Ineqarneq pillugu maalaaruteqartarfik aalajangiisinnaatitaavoq, siulittaasoq taassumaluunniit sinniisussaa ikinnerpaamillu ilaasortat marluk taakkuluunniit sinniisussaat najuuppata.*

*Imm. 4. Ineqarneq pillugu maalaaruteqartarfiup aalajangiineri allattaavinnut allanneqassapput. Aalajangiineq tamanit isumaqataaffigineqanngippat, aamma taarsineq pillugu paassisutissat ilanngunneqassapput.*

*Imm. 5. Ineqarneq pillugu maalaaruteqartarfiup aalajangiinera maalaaruteqartumut suliamilu illuatungeriittut peqataasunut allanut allakkatigut nalunaarutigineqassaaq. Aalajangiineq tunngavilersugaassaaq. Aalajangiineq tamanit isumaqataaffigineqanngippat, aamma taasineq taasisullu agguarneqarnerat pillugu paassisutissat aalajangiinermut ilanngunneqassapput.*

*Imm. 6. Ineqarneq pillugu Maalaaruteqartarfiup aalajangiineri § 82 a, nr. 1-4-impi pineqartunut ilaasunik attartortitsineq pillugu isumaqatigiissut naapertorlugu attartortitsisumut pisussaaffiliisumik atuutissapput. Attartortitsisoq avataaneersumik allaffissornikkut aqutsisussamik suliaqartitsippat, maalaaruteqartarfiup aalajangiineri taamatuttaaq tassunga pisussaaffiliisumik atuutissapput.*

*Imm. 7. Maalaarummik itigartitsineq allaffissornikkut aqutsinermi pisortanut oqartussaasunut allanut suliassanngorteqqinnejqarsinnaanngilaq.*

## Kapitali 15

*Ikaarsaariarnissamut atuutsilerfissaanullu aalajangersakkat*

**§ 87.** Inatsisartut peqqussutaat manna 1. juli 2005-impi atuutilerpoq.

*Imm. 2. Tamatumunnga peqatigitillugu inissianik attartorneq pillugu Inatsisartut peqqussutaat nr. 5, 31. maj 2001-imeersoq, kingullermik Inatsisartut peqqussutaatigut nr. 3-kkut, 15. april 2003-meersukkut allannguuteqartinneqartoq atorunnaarpooq.*

*Imm. 3. Inatsisartut peqqussutaat imm. 2-mi taaneqartut tunngavigalugit nalunaarusiat allaffissornikkullu aqutsinermi aalajangersakkat pequssut manna tunngavigalugu aalajangersaanikkut allanngortinneqarnissamik imaluunniit atorunnaarsinneqarnissamik tungaannut atuutiinnassapput.*

**§ 88.** § 45, imm. 3 aamma §§ 77, 78 aamma 80, imm. 1 aamma 2 attartorernut, 1. januar 1990 sioqqullugu aallartissimasunut atutissanngillat.

*Imm. 2. Inissiani attartortittakkani namminersortunit pigisani attartornerit, Inatsisartut peqqussutaata matuma atuutilernissaa sioqqullugu attartornissamik isumaqatigiissuteqarfiusut, attartornerup atorunnaarnissaata tungaanut attartornermut aalajangersakkanut isumaqatigiissutit ingerlaannassapput.*

---

Inissianik attartortitsisarneq pillugu Inatsisartut peqqussutaata allanngortinneqarnera pillugu Inatsisartut peqqussutaat<sup>[i]</sup> (Inissiamik tigusinissamut ukiuni arfineq marlunni najugaqarsimasussaatitaaneq pillugu maleruagassanik allannguineq, inissiat piginneqatigiilluni inissianut imaluunniit inissianut nammineq pigisanut allanngortinneqarnerini attartortuni sinneruttut inatsisitigut inissisimanerat pillugu aalajangersakkat, Ineqarnermut maalaaruteqartarfiup piginnaatitaaffiinik erseqqissaaneq kiisalu aalajangersakkani ataasiakkaani teknikkikkut allannguuit.)

## § 2

Inatsisartut peqqussutaat 1. januar 2007-imi atuutilerpoq. § 1, nr. 4 aamma 5 piginneqatigiilluni inissiaatillit peqatigiiffiinut aamma nammineq pigisanik inissiaatillit peqatigiiffiinut ulloq atuutilerfissaq sioqqullugu pilersinneqarsimasunut atutissanngillat.

---

Inissianik attartortitsisarneq pillugu Inatsisartut peqqussutaata allannguiteqartinneqarnissaa pillugu Inatsisartut peqqussutaat<sup>[ii]</sup> (Piffissaq eqqorlugu akiliiffissatut piffissaliussap sivitsorneqarnissaa aamma akilinngitsuukkanik akiitoqalermermi annasanullu nalimmassaasoqarnerani akilersuisinnaanermut periarfissiineq il.il.)

## § 2

Inatsisartut peqqussutaat 1. januar 2009-mi atuutilerpoq.

---

Inissianik attartortitsisarneq pillugu Inatsisartut peqqussutaata allanngortinneqarnera pillugu Inatsisartut inatsisaat<sup>[iii]</sup> (Sulisunut inissiamik tigusinissamut ukiunik 7-inik maleruagassaqarnermut allanngortitsineq)

## § 2

Inatsisartut inatsisaat ulloq 1. august 2017 atuutilerpoq.

---

Inissianik attartortitsisarneq pillugu Inatsisartut peqqussutaata allanngortinneqarnissaq pillugu Inatsisartut inatsisaat<sup>[iv]</sup> (Pisortat inissiaataanni uumasuuteqarnissamut tunngatillugu maleruagassat allanngortinneqarnerat aamma attartortup toqukkut qimagunnerani il.il. attartukkap tiguneqartarnera pillugu)

## § 2

Inatsisartut inatsisaat ulloq 1. januar 2020 atuutilerpoq.

---

Ilinniartut ineqarfii pillugit Inatsisartut inatsisaat atortuulersinnejarpooq:<sup>[v]</sup>

**§ 50.** Inatsisartut inatsisaat manna atortuulerpoq ulloq 1. august 2020, taamaattoq tak. § 51.

*Imm. 2. Ilutigisaanik atorunnaarsinnejarpooq Ilinniartut ineqarfii pillugit Namminersornerullutik Oqartussat nalunaarutaat nr. 18, ulloq 1. november 2007-imeersoq, aamma Inissianik attartortitsisarneq pillugu Inatsisartut peqqussutaanni nr. 2, 12. maj 2005-imeersumi § 3, imm. 3.*

**§ 51.** Malittarisassat §§ 2 aamma 3-miittut ilinniartutut inissamik tunineqartarneq pillugu § 50, imm. 2-mi eqqaaneqartutut najoqqtassani suli ilinniartut ineqarfii najugaqartunut atuupput, ilinniartutut inissamik 1. august 2020 sioqqullugu tunineqarsimasunut. Attartornermut isumaqatigiisummik atorunnaarsitsinerni imaluunniit attartornermut isumaqatigiisummik taamaatitsinerni 1. august 2020 sioqqullugu atortuulersimasunik, ilinniartut ineqarfianni najugaqartoq ilinniartutut ineqarfimmik qinnuteqassaaq Inatsisartut inatsisaat manna tunngavigalugu.

---

Inissianik attartortitsisarneq pillugu Inatsisartut peqqussutaata allanngortinneqarnera pillugu Inatsisartut inatsisaat<sup>[vi]</sup> (Attartornermut akiligassap piffissaq akilerneqarfissaa, inissianik attartortittakkanik oqoqalersimasunik nalunaarsuineq kiisalu suliffimmut atatillugu inissianik oqoqarsimasunik innersuunneqartunik itigartitsisinnaatitaaneq)

## § 2

Inatsisartut inatsisaat ullormi 1. januar 2022 atuutilissaaq.

*Imm. 2. § 1, nr. 8 aamma 25 piffissaq atuutilerfissaat pillugu Naalakkersuisut tamanna pillugu nalunaarutikkut aalajangersaanerisigut pissaaq.*

---

Inissianik attartortitsisarneq pillugu Inatsisartut peqqussutaata allanngortinnerra pillugu Inatsisartut inatsisaat<sup>[vii]</sup> (Ineqarneq pillugu Maalaaruteqartarfiup pisortat inissiaatileqatigiiffinut il.il. aalajangiisinnaatitaanerata annertusitinneqarnera)

## § 2

Inatsisartut inatsisaat manna ulloq 1. januar 2023 atuutilerpoq, aammalu attartortumut najugaqarfissatut attartortitsinissaq pillugu isumaqatigiissutinut ingerlasunut siunissamilu piumaartussanut atutissalluni, taamaattorli tak. imm. 2 aamma 3.

*Imm. 2. Maalaarutit, attartortumut najugaqarfissatut attartortitsineq pillugu isumaqatigiissutinik § 82 a, nr. 3-5-imi ilaatinneqartunik pioreersunik aallaaveqartut, Inatsisartut inatsisaanni matumani § 1, nr. 6-imi ilaatinneqartut maleruagassat nalinginnaasut naapertorlugit Ineqarneq pillugu Maalaaruteqartarfimmut ingerlatinneqartassapput. Pissutsit pillugit maalaarutit, 1. januar 2023 sioqqullugu tunniunneqarsimasut, Inatsisartut inatsisaata matuma atuutilerneraniit kingusinnerpaamik sapaatit akunneri sisamat qaangiunnerini Ineqarneq pillugu Maalaaruteqartarfimmut tunniunneqassapput.*

*Imm. 3. Ineqarneq pillugu Maalaaruteqartarfiup maalaarut, attartortumut najugaqarfissatut attartortitsineq pillugu isumaqatigiissutinik § 82 a, nr. 2-mi ilaatinneqartunik pioreersunik aallaaveqartoq, Inatsisartut inatsisaanni matumani § 1, nr. 6-imi ilaatinneqartoq itigartippagu, aammalu inissiap Namminersorlutik Oqartussanit kommunimilluunniit pigineqannginnera innersuussutigippagu, maalaaruteqartup suliap qaqeqqinnejarnissa piumasarisinnaavaa. Suliap qaqeqqinnejarnissaanut piumasaqaat Inatsisartut inatsisaata matuma atuutilerneraniit kingusinnerpaamik sapaatit akunnerisa arfinillit qaangiunnerini allakkatigut tunniunneqassaaq. Kingusinnerusukkut qaqinnejarnissaanut piumasarinerani Ineqarneq pillugu Maalaaruteqartarfik piumasaqaammut itigartitsisinnaavoq.*

---

*Ineqarnermut Attaveqaasersuutinullu Naalakkersuisoqarfik, ulloq 9. oktober 2023*

**Ruth Lindhardt**  
Naalakkersuisoqarfimmi pisortaaneq

/ Embla Kristjánsdóttir

[i] Allannguutit pineqartut § 5, imm. 1, § 11, imm. 1, § 15, imm. 2, § 21, § 24, § 24a, § 26, imm. 3 aamma 4, § 32, imm. 8, § 63, imm. 1 aamma 5, § 65, imm. 1, § 73, § 81, imm. 5, § 84, imm. 5.

[ii] Allannguut pineqartoq § 74.

[iii] Allannguutit pineqartut § 21, imm. 2 aamma imm. 4, nr. 1.

[iv] Allannguutit pineqartut § 37, imm. 5, § 50, imm. 3-5, § 60, § 63 imm. 2 aamma 3.

[v] Allannguut pineqartoq § 3, imm. 3.

[vi] Allannguutit pineqartut § 2, imm. 1, § 3, § 4, imm. 2-4, § 5, § 7, imm. 3, §§ 9-17, § 10, § 11, § 12, § 13, § 14, § 15, § 16, § 17, § 20a, § 20, imm. 2, § 21, imm. 4, § 24, imm. 1-2, § 24, imm. 6, § 24a, imm. 1, § 25, imm. 1 aamma 3, § 27, imm. 2, qulequtaasoq ukununnga §§ 28-32, § 28, imm. 1 aamma 5, § 29, imm. 1, § 30, imm. 1-2, § 30, imm. 8, § 31, imm. 1 aamma 7, § 32, imm. 6-8, § 32a, § 32b, § 33, imm. 4, § 37, imm. 1 aamma 7, § 38, § 41, imm. 4, § 44, imm. 6, § 45, imm. 1, § 51, imm. 1, § 52, imm. 1, §§ 53-55, § 57, § 58, imm. 4 aamma 8, § 59, imm. 1 aamma 8, § 68, imm. 1, § 69, imm. 1, § 69, imm. 2, § 76, imm. 3, § 77, imm. 5, § 81, §§ 82-83, § 85, imm. 7, § 86, imm. 6.

[vii] Allannguutit pineqartut § 1a, § 2, imm. 4, § 34, imm. 1, 1. pkt., § 34, imm. 4, § 82, imm. 1 aamma 2, § 82a, § 84, § 84a, § 84b, § 85, imm. 1, § 86, imm. 6.

**Namminersorlutik Oqartussat**

Imaneq 4

3900 Nuuk

E-mail: nsninatsit@nanoq.gl

Linkit iluaquataasussat

Kalaallit Nunaanni inatsisinut nalunaarutit  
Namminersorlutik Oqartussat inatsisinut toqqorsiviit  
Naalakkersuisut